

AGAPE = 4

TVS SCHOLASTI,

cus prædo factus &
conuerfus,

COMOEDIA

DE RECTA INSITVTI

one, & è contra, corruptela Iuuentutis, com-
plectens pulchram illam & lepidam narrati-
onem, de sancto IOANNE APOSTO-
LO, commendante cuidam Episcopo præ-
clarum Iuuenem apud Ephesum, quem
deinde prauis sodalitijs corru-
ptum, ad meliorem ui-
tam reuocauit.

EX EVSEBII CAESARIENSIS

Historia Ecclesiastica, capite 22.

AVTHORE HEINRI

co Knaust Iurisconsulto.

ARGENTORATI EX OFFICINA

Pauli Macheropæi. Anno M. D. LXII.

Samuel Petri Veltmans



PAVLVS KOLTZENI^r
us à Demmin, Pomeranus.

Hoc quicumq; legis sacratum Carmine Drama
Sit iudex Candor, liuor abesse uelit.
Nam doctos Candor decet. Atq; laboribus esse
AEquos confratrum, iustitia ipsa monet.



REVEREN
DISSIMO IN CHRI
sto Principi ac Domino, Domino
Michaëli, Episcopo Mersburgensi, & Con-
sistorij Imperialis Camerae Iudici incorruptis-
simo, Domino gratioso suo.



EGO, QUIDEM, REVEREN
dissime Præsul & Iudex Camerae Im-
perialis incorruptissime, existimo nul-
li hominum ordini, tutius ac melius
elocare operas suas literarum studiosos posse, quam
ipsis doctis, & ijs præsertim, qui autoritate literis
exornata valent. Hi namq; & literas & ipsos litera-
tos amant, libenterq; in suum patrocinium suscipiunt.
Facit itaq; me in hoc proposito, non tam audaciorem
quàm certio rem, quod tua Celsitudo non solum in om-
nibus literis cum summo iudicio uersata sit, sed & præ-
udentiam raram excellenti doctrinæ ita coniunxerit, ut
non minus de rebus arduissimis & Theologicis, quàm
forensibus causis, sententiam exactè ferre sæliciterq;
pronunciare sciat. Deinde, quod inter tot egregia de-
cora, quibus undiq; clarus & suspiciendus, primò qui-
dem præsulatus tui Mersburgensis culmen adisti, ex

P R A E F A T I O.

interuallo autem post, & ad præturae Imperialis Cæmere fastigium ascendisti, seu potius uirtute tua promouisti, iamq; in ipsis pulcherrimis simul & sanctissimis munerū functionibus, cum tot præclaris factis, tot eximijs ornamentis, susceptos honores uicissim cohonestas. Hoc insuper etiam ad egregiæ laudis tuæ cumulum addis, quo nihil est quod te superis pariter & mortalibus commendet efficacius, nempe quod summo studio pariq; sapientia, non tantum in dirimendis & dijudicandis certaminibus forensibus præcipua cum laude laboras, sed & illud non minore studio agis ac moliris, ut indies in melius prouehatur Christiana pietas & Religionis status, heu nimium, nescio qua temporum iniuria seu uicio labefactatus & collapsus, At res egregias, aliquoties ut difficilius, ita & pulchrius est, restituisse quàm condidisse, sicut Imperator inquit, l. 1. §. sed si quid ex his. C. de uete. iu. enucl.

His tuis uirtutibus, præsul Reuerendissime, quæ eruditionem tuam, Natiuam sapientiam & probatissimum rerum usum, propius quàm umbra corpus sequuntur, fretus, hoc quicquid est operæ, R. C. T. dedicare non sum ueritus, sperans R. T. C. id æquo ac clementi animo accepturam esse. Cui enim rectius dedicaretur tam illustre Exemplum Apostolici & optimi Pastoris, reuocantis ouem perditam, & increpantis Pastorem non satis uigilem & industrium circa ani-

P R A E F A T I O.

earum sibi commissarum curam, quam illi, in cuius Pastoratū & præminentiam totius Reipub. Christianæ oculi intenti & defixi sunt, ut aliquando sua auctoritate & doctrina labascenti Religioni opem ferat, quo extinctis sectis, schismatis, dissidijs, ac seditio- nibus, in unitatem pacemq; Ecclesia Dei Catholica tandem iterum congressa, unanimiter & uno ore De- um Patrem Domini nostri Iesu Christi glorificet lau- detq;. Quæ res, tametsi, hac nostra ætate multis ui- deatur eiusmodi esse, ut fieri haud queat, attamen con- stat, id quod est coram hominibus impossibile, non esse impossibile coram Deo, qui uult omnes homines sal- uos fieri.

Præterea & peculiaris quædam me caussa mouit, quare hanc meam qualemcunq; Comœdiam R. T. C. dedicare uoluerim, nempe, ut ingenium multis graui- bus & serijs operis ac laboribus, quibus te quotidie negotiorum procellæ obruunt, defatigatum, quasi hac hilariore materia recreares. Tristitia enim quæ ob præsentis uitæ calamitates, misérias & labores, nos non raro totos occupat, ac incurabiles sæpenumero morbos conciliat & parit, his & similibus, licet non per omnia doctissimis materijs, excuti aliquo modo potest, sicut festiuus sermo ac hilaris inductus, discu- tit omnem tristitiam in Conuiuio. Quemadmodum Homerus finxit de Helena, immittente pharmacum in

P R A E F A T I O.

conuiuiarum Cyathos, quod omnium anteaكتورum in-
duceret obliuionem. Homeri uersus sunt tales.

Αὐτίκ' ἄρ' εἰς οἶνον βάλε φάρμακον ἔνθερον
πινον,

Νκτεύτες τ' ἄχολόν τε κακῶν ἐπίληθον εἰς
πάντων. Latine sic.

In uinum misit mox pharmacon, unde biberunt

Luctusq; bilisq; maliq; obliuia cuncti.

Erunt, non dubito, aliqui torui, qui Curios simu-
lant & Bacchanalia uiuunt, qui me reprehendent,
quod scripta iocosa edam, non animaduertentes, quod
iocosa haec, seria ducant. Hi & Aristotelem accusa-
bunt, ni fallor, qui inter uirtutes numerat ἐὺτραπε-
λίαν, cum Paulus ad Ephesios scribens, eam inter ui-
cia recenseat. Sed ignorant hi, quod moderatio in usu
figurarum seu iocorum, uirtus ab Aristotele nomina-
tur, qui quidem & prudenter eam à stoliditate seu in-
sulsitate, & à scurrilitate discernit. Moderatio enim
in omnibus rebus intelligitur uirtus. Sed fortè uolunt
Curij illi, seu potius Heracliti, hominem statu & simi-
lem ac perpetuo tristem & durum esse. Delectati sunt
Comitate, lepore & iocis, ut naturam iuuarent, sum-
mi uiri, Socrates, Diogenes, Philippus Macedo, Iulius
Caesar, Octauius Augustus, & Marcus Cicero, qui di-
ligenter P. Terentij Comœdias legit, & subinde illius
aliquot uersus citare solitus fuit. Ipse etiam, quan-
quam alio-

P R A E F A T I O.

quam a qui tristior Cato, non omnino à iocis ab-
horru. Sed tamen ea omnia, sine leuitate, sine futi-
litate, & sine scurrilitate (eam graeci Βωμολοχίαν
appellant) quam in hoc tenui scripto meo, spero, non
deprehendent. Dedi operam, ut iuxta Horatij ad Pi-
sones praescriptum, utilibus iucunda miscerem. In-
quit enim.

Aut prodesse uolunt, aut delectare poetae,
Aut simul & iucunda & idonea dicere uitae. Idem.
Omne tulit punctum, qui miscuit utile dulci,
Lectorem delectando pariterq; monendo.

Nec puto quenquam bonum & doctum uirum id
mihi uitio uersurum esse. At obijciat Nasutus aliquis
Terentianum illud. Sed nunc haec dies, aliam uitam
adfert, alios mores postulat. Quasi uero absq; exem-
plis multorum grauium & excellentium uirorum, in
his iucundioribus studijs, aliquando cum per ocium
licet, uersetur. Scripsit superiori saeculo Ioannes
Reuchlin siue Capnion, uir in literis politioribus &
linguis maximus, Celebris & excellens Iuris Doctor,
Comœdias & alia iucunda. Idem Latinè & Germani-
cè fecit Doctor Sebastianus Brant Iuris peritus, uter-
que Imperatoris Maximiliani Senator, seu consiliari-
us. Extant quoque Theologorum, tam uetustiorum
quàm recentium, non adspernanda in hoc genere mo-
nimenta. Ex his leguntur, Cornelij Croci Theologi,

P R A E F A T I O

Iosephus Guilhelmi Gnaphei, Acolastus Iabi Schoep-
peri Presbyteri, Abrahamus Tentatus, doctymorum
grauissimorumq; hominum Comœdiæ, Actiones æter-
nitæ dignæ, ut alios magnos uiros præteream, inter
quos est Alciatus Iurisconsultißimus, qui Emblemata
iucundißima, animi gratia scripsit, seu potius, cum
poëta esset, lusit. Peto autem à candidis, siue lectori-
bus, siue spectatoribus, ne morosius iudicent, ac ut con-
donent, si quid forte desiderant.

Te autē Reuerendissime Princeps ac Domine oro,
ut R. C. T. hoc meum studium boni consulat, & mu-
nusculum exiguum animo prompto accipiat. Quod
si intellexero, magna me uoluptate affectum, & præ-
mium debitum laborum consecutum esse existimabo.
Sed ne, si R. C. T. iugi solitudine summo Romani
Imperij Iudicio præidentem, longiore sermone remo-
rans, in publica peccem commoda, quod reliquum est,
cum plebeio lectore transigam, sed illud prius appre-
catus, ut Cœlestis Pater, qui diuino suo consilio & uo-
luntate, te non solum Episcopum Mersburgensem
creari, sed & Iudicem, seu Prætorem Camera Imperia-
lis per Germaniam inaugurari uoluit, ad suam glori-
am R. C. T. quàm diutissime conseruet incolumem,
suaq; diuinam uoluntatem & consilia per R. C. T.
foeliciter expediat, & hæreditatem Christi filij sui
tueatur.

P R A E F A T I O .

tueatur . Datum Erpfurdiae , in antiqua illa Musarum Colonia , Anno à Virginis partu , quæ mundo Salvatorem edidit . M. D. LXI.

R. C. T.

Deditissimus ac subiectissimus

Heinricus Knaust, Iuris peritus.

A 5 Comœdia



COMOEDIAE

Interlocutores.

S. IOANNES

Apostolus.

Asmenus

Episcopus.

Agapetus

Iuuenis scholasticus.

Didascalus

Ludimagister.

Parinus

Philedonus

Condiscipuli Agapeti.

Acharistus

Aspondus

Cletus

Scholastica.

Cosmius

Niphalius

Voluptas

Matrone.

Virtus

Emporus

Palnicapelus

Mercatores.

Echmalotus

Fama

Monstrum.

Lista

Anemerus

Milites latrones.

Anosius

Philargirus

Didus

Episcopi minister.

Argumentum

ARGVMENTVM SI ue Periocha. Senarij.

Ecclesias dum uisitat apud Ephesum
Apostolus Iohannes, fortè Iuuenem uidet
Facie honesta, quem ad se inuitat, et Episcopo
Commendat. Ille præceptoribus suis
Et Episcopo inobediens factus, fugit scholas,
Ac aliquot seductis condiscipulis suis,
Voluptatem sequitur, Virtutem spernit, &
Manipulo conducto latronum perduto,
Montem conscendit cum socijs, & exiit
Mercatores uita simul & opibus. Dein
Hæc latrocinia nunciat fama omnibus.
Apostolus reuersus fortè ad Episcopum,
Rogat, quid adoptatiuus faciat filius.
Respondet ille, Adolescentem esse mortuum.
Querit statim de mortis genere Apostolus.
Resciscens tandem latrocinia ipsius, &
Rapinis infamem quem montem perditis
Cum socijs coleret, ipsum aggreditur strenuè
Intrepidus, diuina confisus ope, Dei
Vir, & paterna uoce reuocat à uijs
Ducentibus ad mortem. Conuersus, ad animum
Redit tandem ille, & placidè se Apostoli
Pedibus aduoluit ac monitis par t pijs,
Lupoq; ex immuni, fit ouis mitissima,

Cumq;

PROLOGVS.

Cumq; suis, quos seduxerat, ad Dominum Deum
 Conuertitur, & Apostoli dii patris
 Vestigia sequitur. fugiunt latrunculi
 Reliqui, pia spernentes monita sanctissimi
 Fauete & hæc porrò æquo animo cognoscite.

Prologus.

DEscripsit Eusebius Casariensis, suæ
 Ecclesiasticæ Narrationis &
 Historiæ, capite, ni fallor, uicesimo
 Secundo, bellam fabulam & non fabulam,
 (Sic namq; loquitur ipse) qua iuuenem nimis
 Blanda institutione ac indulgentia
 Deprauatum, latrocinia tandem aggredi
 Ausum, atq; ab Apostolo Dei Ioanne in uiam
 Reuocatum & conuersum, commemorat dulcibus
 Pijsq; & grauibus uerbis. Inde sumpsimus,
 Spectator, argumentum huius Comœdiæ.
 Non deerunt qui calumniuntur, perperam
 Factum, huc quod operam nostram collocauimus.
 Quasi non sit satis in sacratis literis
 Forte Historiarum, unde argumenta suppetant.
 Orationis atq; styli genus, alius
 Repræhendet, alius & iud culpabit scio.
 Sed quid tum postea? Nemo unus omnibus

Placere

P R O L O G V S.

Placere unquam potuit. Arrisit hoc mihi
 Potissimum argumentum è sexcentis. Suus
 Cuiq; mos est. Tot sensus quot capita sunt.
 Trahit sua quemq; uoluptas. Quare te precor
 Spectator candide, ut faueas huic meo
 Labori & quam tibi exhibeo Comœdiæ.
 Si uidero placuisse tibi studium hoc meum,
 Deinceps fortè & alia dabo, diligentia
 Maiore elucubrata. Nunc hæc interim
 Boni consulite, & æqui estote iudices
 Vos spectatores optimi, dico optimi,
 Quia bonis hic loquor, necnon & candidis,
 Nigros parum aut nihil curamus, perfidam
 Turbam, qui cum boni non sint, dic quomodo
 Possint benedicere? Silete, en pròdit suo
 Ioannes, quem ordinauerat, cum Episcopo.

Actus

COMOEDIA DE
ACTVS I. SCENA I.
Senarij.

S. IOANNES APOSTOLVS, ASME-
nus Episcopus, Agapetus Iuuenis.

Hoc præceptum commendo tibi, secundum ea
Quæ dicta sunt ante hac, ut milites bonam
Militiã, habens fidem atq; conscientiam
Bonam. Oportet enim esse Episcopum sine crimine.
Vt dispensatorem Dei, unius uirum
Vxoris, non superbum, non inconditum,
Aut luxu perditum, nec iracundiæ
Vitio laborantem, aut percussorem impium.
Non turpis lucri cupidum. Ast hospitalem eum
Decet esse, benignum, iustum, nec non sobrium,
Prudentem, sanctum, continentem, prouidum,
Suae qui benè præsit domui & frugaliter,
Habentem filios castos & subditos.
Nam qui domui suæ nescit præesse, quo
Modo ille Ecclesiæ Dei solertiam
Præstabit debitam? Amplectatur in super
Doctrinam, quæ secundum fidelem Dei
Sermonem est, ut potens sit exhortari, eos
Etiam qui contradicunt, arguere in fide
Et doctrina sana. Tu igitur in gratia

Nunc

RECTA INSTITVT.

Nunc confortare, quæ est in Christo Iesu. Ea
Quoq; quæ audiuiſti à me per testes plurimos,
Fac commendes fidelibus hominibus, qui erunt
Idonei ut alios doceant, sicut bonus
Miles Christi. Nam & qui certat in agone, non
Coronabitur is, nisi strenuè certauerit.
Sed heus fili, accede propius, bonæ indolis
Esse uideris ex facie. Cuias es tu, & quibus
Natus parentibus? fili dic ut sciam.

Ad Agap.

AGAPETVS.

Corinthus patria est mihi: parentibus!
Vero orbatuſ nuper, miſer dego Orphanus.

S. IOANNES.

Non Orphanus tute es, sed in cœlis patrenz
Habes prædiuitem, qui delectatur hoc
Titulo, Orphanorum atq; uiduarum dicier
Pater. Bono sis animo, patrem & me uides
Tuum. Placet etenim mihi liberalitas
Vultus tui & modestia. Quare te in meum
Adopto filium. Hunc summo tibi, Episcopo,
Studio commendo iuuenem, tam ingenio bonum
Animoq; acrem, quam forma corporis sui
Elegantem & uultu honestum. Hunc commendo tibi
(Inquam) sub testimonio Christi mei &
Totius Ecclesiæ. Tu sedulo uideris
Ne perdas

COMOEDIA DE

Ne perdas filium mihi & animam tui
Fratris. Namq; à teneris multum est adfuescere.

ASMENVS.

Recipio eum lubens pater, nec commodi
In me quicquam claudetur ei. Dabo sedulo
Operam, nihil prætermittam omnibus modis,
Salutaribus ut præceptis tener animus
Formetur in pia doctrina Ecclesiæ
Christi, atq; humano generi utilibus artibus
Consuefaciam eum summa diligentia
Fideq; ad uirtutem atq; exercitia pia.
Iubebo deniq; inspicere, tanquam in aliquod
Speculum, uitas hominum, atq; ex alijs sumere.
Exemplum sibi. facito hoc, fugito illud. Hoc tibi
Laudi est, hoc uitio datur. Ad hunc ego modum
Præceptis animum illius, si placet, instruam.

S. IOANNES.

Recte dixti & probissimè, sed rectius
Facies, si quod uerbis magnificè iactitas,
Re potius ipsa effectum reddas, Strenuus
Fac sis animæ fratris custos, non proditor.
Eris autem proditor, si per negligentiam
Cessaueris uspiam. Vdum & molle lutum est puer,
Nunc nunc properandus & acri fingendus sine
Fine rota. Porro, ut quisq; suum uult esse, ita est.

Fac stes

RECTA INSTITVT.

Fac stes promissis, non leue est quod postulo.
De fratris & tua ipsius agitur anima.
Promittis te dignam fidem & sedulam operam,
In facie Christi & sanctæ Ecclesiæ ipsius?

A S M E N V S.

Promitto Pater sanctissime, si modo uelit
Obedire, & præceptis obsequi meis.

S. I O A N N E S.

Num nota tibi Salomonis est uox inclyta?
Qui parcit uirgis, odit filium suum.
Acri dixi formandum esse rota. Cerei
Sunt in uitium flecti iuuenes, & asperi
Monitoribus suis. Sed hic est cautio
Tamen, ne dum formare incipias strenuè,
Iuuenis tenerum auertas animum. Pudore namq;
Et liberalitate retinere satius
Est liberos, metu quàm, aut uirgis cogere.
Et errat longè, mea quidem sententia,
Qui imperium credat grauius esse aut stabilius,
Vi quod sit, quàm illud quod amicitia adiungitur.
Verum ne sit inepta lenitas & facilitas
Prauâ, ipse uideris. Modus est in omnibus
Rebus, certiq; porro fines, quos citra
Vltraq; nequit consistere rectum. Sit tibi
Cautio, ne mihi corrumpi illum sinas. Puer

COMOEDIA DE

Et tu audi præceptorem, nec recalcitra.
 Obtempera pijs monitis, teq; indole
 Tua ut dignum est, et maximam concepi apud
 Animum de uirtute tua spem, quo possit in
 Te spiritus Dei habitaculum parare, sac
 Modestus, humilis, temperans, & acer in
 Studijs pietatis uiuas, ut templum Dei
 Sis ipse, & leta de te, cum reuersus huc
 Fucro, audiam. Nec enim leue est, quod spiritus
 Sanctus mihi de te dictitat, præagit &
 Mens sollicita. Promittis obedientiam
 Fidemq; Christo, mihi Patri, atq; Episcopo?

A G A P E T V S.

Promitto sedulò, pater sanctissime.

A S M E N V S.

Et ego quantum in me fidei, & diligentie.

S. I O A N N E S.

Res magna est recta puerorum educatio.
 Valete. Pax Christi atq; eius benedictio
 Sit uobiscum, & uestros conatus dirigat,
 Totamq; Ecclesiam hanc dignetur spiritu
 Suo clemens regere, & conseruare in fide,
 Et charitate mutua, sicut decet.

Actus

RECTA INSTITVT.
ACTVS I. SCENA II.
Senarij.

ASMENVVS, AGAPETVS,
Didascalus.

Salue Didascale, Magister doctissime,
Simul atq; uos pueri, angelica turba, optimi.
Ades dum, Habeo tecum quod paucis colloquar.
Commendauit adolescentem hunc mihi Apostolus
Ioannes studiosissime. Eum porro tuæ
Nunc diligentie commendo, ab Apostolo ut
Est commendatus mihi. Tu uerò feceris,
Ne quicquam, quod iam ad disciplinam pertinet,
Et institutionem rectam, in te mihi
Desideretur. Nam non modò nobis, sed &
Christo Domino, uobis reddenda ratio erit,
De pedagogia uestra. Non est leue
Quod sustinetis munus, sed uerè arduum.

D I D A S C A L V S.

Reuerende in Christo Pater, & Domine, munus
Mei me cogit ratio, ne me subtraham
Oneri, quod in recipiendo hoc, imponitur.
Lubens igitur hunc recipio adolescentulum,
Et si uolet obedire præceptis meis,

B 2 Non pos

COMOEDIA DE

Non poenitebit me opera & diligentia,
In qua nihil desiderabitur, modo
Se attentum, sedulum, docilemque praebeat.
Quid ais adolescens, promittis tuum mihi
In discendo studium, in fingendis moribus
Obedientiam? Quid respondes mihi?

AGAPETVS.

Faciám quod ingenuum bonumque condecet
Adoléscentem, mores regendo, & literas
Discendo, ne quid de me conqueri queas.

DIDASCALVS.

Honestá est Oratio. fac quod profers, & hunc
Præceptorem fidum, tuique amantem habe.

ASMENVS.

Suo ergo muneri uterque satisfaciát probè.
Tibi hunc Magister commendo totum: Deo
Et Apostolo rationem reddes & mihi.

DIDASCALVS.

Reuerende Episcopo, in me quantum est, sedulo
Faciám, ut rectè formetur, sicut me decet.
Adoléscent bone, quod est cedo nomen tibi?

AGAPETVS.

Agapeto nomen à parentibus inditum est.

Didasca-

RECTA INSTITVT.

DIDASCALVS.

Benè est. faustum sanè & pulchrum sortitus es
Nomen, quippe hoc Græcis dilectum denotat.
Summo igitur opere, Agâpete, tibi annitendum erit,
Vt expectationi nominis adeo
Boni, uirili pro tua, respondeas.
Nempe, ob literas dilectus ut sis omnibus.

AGAPETVS.

Equidem pro uiribus sedulo operam dabo,
Inq; hoc mihi adiutorem te spero fore.

DIDASCALVS.

Sed & ipsa corporis tui facies mihi
Animum subesse ostendit, quî haud abhorreat
A Musis literisq; bonis, adeo ut queat
De te dici demum illud, quod uulgò ferunt,
In corpore pulchro, est uirtus ueniens gratior.
Sed alium eiusdem uatis uersiculum caue,
Fastus quod inest pulchris, sequiturq; superbia
Formam. Nil pestilentius scholastico,
Philautia, qua ingenia multa pessum eunt.

AGAPETVS.

Dabo operam, præceptor, frugi ut sim & diligens.

COMOEDIA DE
ACTVS II. SCENA I.

Senarij.

DIDASCALVS, ASPONDVS.

DIDASCALVS.

HEUS furcifer heus heus, raucesco clamoribus
Iam dudum, nec tamen adhuc expergisceris.
Videris dormiendo uel cum gliribus
Certare posse. Aut ocius surge, aut ego
Tibi uirga somnum excutiam. Non te pudet,
(Vah somnium hominis) multam in lucem stertere?
Frugi qui sunt famuli, aut discipuli commodi,
Solent exortum Solis anteuertere,
Studijsq; dare operam, Aurora quibus commoda
Et amica, maximeq; est apta. Num uenis?
Ut ægrè à lecto cuculus diuellitur?
Caput dum scalpit, dum nervos distendit, &
Dum oscitat, abit integra hora. Venis tandè improbet

ASPONDVS.

Vix dum diluxit, parce Magister optime.

DIDASCALVS.

Credo tibi. Nam tuis oculis multa est adhuc
Nox. Accede propius, audin', paucis te uolo?

ASPONDVS.

Dictum

RECTA INSTITVT.

Dictum puta, nempe, ut ego lectionibus
Maturè intersim, ne quid cessem, Hoc scilicet.

DIDASCALVS.

Imo aliud. Admoue te huc, iam faxo scies.
Quid hoc tibi placet? Et uirgis poenas dabis.

ASPONDVS.

Quantus plagiarius. DIDAS. Quid ais cessator, aut
Quid murmuras nequā? ASP. Nihil, rectè omnia.

DIDASCALVS.

Nunquid ego murmurantem te nebulo audio?

ASPONDVS.

Equidè precor. DIDAS. Credo sanè, ut deuotio est,
Pater noster peruersum. Sed ne feceris
Temerè, de natibus ludetur tuis. Caue.
Ad lectionem, uerbero, sequere me. ASPON. Sequor.

ACTVS. II. SCENA. II.

Senarij.

AGAPETVS, PARINVS.

AGAPETVS.

CUr adeo Parine curris, bone commilito?
PARINVS.

Cur, ut dicunt uulgo, lepus pro carnibus?

B 4 Agda

COMOEDIA DE
AGAPETVS.

Quid hoc prouerbij est? AEnigmata loqueris.

PARINVS.

*Quia nisi adfuero in tempore, ante catalogum
Recitatum, actum est de pelle mea. AGAPETVS.*

Hac quidem nihil

Periculi est, modò præterita est sexta. Horologium.

*Inspice, manus nondum attigit punctum, quod ab
Hora equis spacijs horam dirimit. PARINVS.*

Ast ego

Vix habeo fidem horologijs, mentiuntur haud

Rarò. AGA. At mihi fide, qui campanæ his auribus

Vocem audiui. PARIN. Quid dictitabat? AGA.

Esse iam

Sextam. PARIN. Sed est et aliud, unde magis mihi

Etiam timeam. Reddenda hesternæ est lectio

Memoriter, Vereor ut possim. Væ, uæ mihi.

AGAPETVS.

Commune periculum narras. Nam et ipse uix

Satis teneo. PARIN. Et nosti, mi uir, se uiciam

Præceptoris. Capitalis omnis est ei

Noxa, et sanè magis non parcat clunibus

Nostris, quàm si corum esset fortasse bubulum.

AGAPETVS.

Verum

RECTA INSTITVT.

Verum is non aderit in ludo. PARIN. Vicarium
 Igitur quem constituit fodes? AGAPE. Cornelium.
 PARIN. Strabum illum? Væ nunc uæ nostris nâ
 Orbilio plagosior. AGA. Verum refers, (tibus Is est
 Et ideo non raro precatus sum illius
 Brachio paralysim. PAR. Ego idem feci uel millies.

AGAPETVS.

Res non agitur de capite, sed de parte, quæ
 Diuersa est. PARIN. Non agitur quidem. Verum
 Libentius uelim, quàm uirgas perpeti. (mori

AGAPETVS.

Non tecum sentio. Si mortuus semel
 Fueris, non tunc reuiuifces. At uerbera &
 Vibices uirgarum, momentanea mala
 Sunt, cum dolore pariter expirantia.
 Forti ergo sis animo, nec cures uerbera,
 Sicut ego floccipendi ea semper. Dicere
 Sum solitus, quoties uirgis cædor maximè.
 Hienweg ist der schmerzge/
 Fröhlich ist mein herze.
 Idem quoq; tu facias. Sodalis ero tibi
 In pœnis, si tu fortè uerberaberis.
 Namq; & ego titubabo, quasi lecta nesciam.

PARINVS.

B s Habere

C O M O E D I A D E

Habere in pœnis socium, dicunt gaudium
Esse. At tu potius in aurem suggere clanculum
Quæ desunt, cum recito. Sic liberaueris
Vtrumq; periculo. Ego quoq; tibi faciam idem.

A G A P E T V S.

Annitar sanè sedulò, ut te liberem.
Verùm nunc tempus est, eamus ocius.

ACTVS II. SCENA. III. Senarij.

DIDASCALVS, NIPHALIVS, COSME
us, Cletus, Aspondus, Philedonus, Achari-
stus, Parinus, Agapetus.

D I D A S C A L V S.

L Egere & non intelligere, negligere est, ait
Quidam & uerè. Sic multis lectionibus
Præceptorum interesse, & certi in memoria
Nihil reportare ex illis, est perdere
Tempus, bonasq; horas malè collocare. Nam
Quid prodest, si audias quod effluat statim?
Et pessimè merentur de scholasticis,
Discentium qui studia non examinant
Repetitionibus, Dicat Niphalius
Ergo. Quæ sunt amplificationis in
Rhetorica figuræ? Quod docui proximè.

Nipha-

RECTA INSTITVT.

NIPHALIVS.

Quæ non ornandæ orationis gratia
Tantum, sed augendæ etiam adhibentur commodè.

DIDASCALVS.

Vnde oriuntur figuræ hæ? NIPHAL. Cum omnes
Rhetorum

Figuræ, quas sententiarum dicimus,
Tum ea potissimum, quæ orationis &
Styli augent filum, oriuntur ex Dialecticis
Locis. DIDAS. Rectè. Dic porrò quæ figurule
Ex Definitione nascuntur bona?

NIPHAL. Illæ Tropi denominantur omnibus.

DIDAS. Quid Expolitio est? NIPHA. Eandem
quæ explicat

Sententiam, commutatis uerbis. Vt, Haud
Est fortitudo, sed temeritas maxima,
Sine honesta aliqua ratione, adire pericula.

DIDASCA. Probè dixti. Tu porrò Cosmi, da mihi
Iam Distributionis exemplum optimum.

COSM. Cicero. Hæc studia adolescentiam alunt,
& hominis

Senectutem oblectant, Secundas res quoque

Ornant. DIDAS. Quid est Dialysis? COS.

Dixere. Vt, ludices sunt partim gratia,

Partim pecunia corrupti, DIDAS. Dic, Quid est
Congeries?

C O M O E D I A D E

Congeries? COSMI. Talis est apud Salustium, Vt.
 Audax temerè animus, uarius & subdolus,
 Cuiuslibet rei uerus simulator, &
 Dissimulator. DIDASCA. Bellè. frugi te iudico.
 Da exemplum, Assponde, Incrementi. Cessator, an
 Nescis? Pollicitus sum dudum tibi malum:
 Cum sterteres manè, hæc didicisse oportuit.
 Rapite hominem quantum potestis, ut luat
 Mihi poenas negligentiae. Infortunium
 Hercule feres. Sic incrementi te modum
 Docebo. fac sis porrò uigilantior.
 Tu dic Philedone, dic, quidnam taces? Et hic
 Ignorat. Explica Achariste. Mutus es?
 Parine, recita tu. PARI. Cicero. Nempe facinus,
 Vincire, est, ciuem Romanum, magnum scelus.
 DIDAS. Porrò quid? PAR. Verberare. DIDAS.
 Et uerberaberis.
 Tu, nisi sequentia expeditè dixeris.
 PARI. Prope parricidium. DIDAS. Quin pergis?
 mutus est.
 Tu Agapete dic. Quin dicis? AGA. Ego quoq; nescio.
 DIDAS. Satis petulanter respondes mihi tu quidè:
 Vt uos Dii perdant, quæ istaec negligentia est?
 Non impunè feretis nequam pessimi.
 Hoccine operam est dare literis? Ab ocio
 Scholæ nomen habent, non quod uobis ocio
Dies sint

RECTA INSTITVT.

Dies sint transigendi turpiter, sed ut
 Hoc omne quod uobis conceditur ocij à
 Laboribus manuum, in discendas literas
 Id conseratis. Credo conspirasse uos
 In literarum perniciem. Et tu Agapete, quod
 Mihi uidetur, proteruus fieri iam incipis.
 Haud sic pollicitus es. Porro, ne censeas
 Licere uobis impune contemnere
 Literas, & spem parentum & nostram fallere,
 Supinam excutiam uobis oscitantiam.
 Non uolo mea uos corrumpi iudulgentia
 Maiore cū cura in sacris uersemini
 Musarum in posterum. Nebulones estis &
 Magis ocio, quàm rectis studijs dediti.
 Non sic ad astra itur. Plurima tulit puer
 Et multa fecit, qui nunc cantat pythia.
 Ah non datur ad Musas lata currere uia.
 Hæc leuis sit monutio. Si depræhendero
 Ego uos posthac in simili negligentia,
 Seuerior ero uindex. Oderunt mali
 Peccare formidine pœnæ, uerum boni
 Virtutis amore. Et uos ergo sitis boni
 Virtutis amore, non grauis pœnæ metu
 Repetite. Nam lecta placet lectio quidem,
 At decies repetita, placebit demum benè.
 A prandio pergam legere, si Dijs placet,
 Actus

COMOEDIA DE
ACTVS II. SCENA III.
Senarij.

DIDASCALVS SOLVS.

AH quanta est pædagogorum miseria, Dij
Boni, quanta calamitas. In AEsopi apologis
Queritur aquid. Idolum Iouem, asinus de suis
Aerumnis, quotidianis operis confici
Se & enecari. Sed querela hæc iustior
Est pædagogorum, de miserijs suis
Profectò, si reuocetur res ad calculòs,
Quàm asini. Quis enim ullo in pistrino asinus per
Tantum mali, quantum mediocris artium (tulit
Doctor in uno alteroq; docendo molestia
Perpetitur, & laboris exhaurit? Rogo
Vos, animum aduertite. Primum etenim cum traditur
Puer, docendus pædagogo scilicet,
Et ad uirtutem humanitatemq; impigre
Informandus, uidete quæso quàm arduam, &
Duram prouinciam, plenamq; miserrimi
Laboris, ac periculorum capiat. Ah
Non antè matura pueri ætas uidetur, ut
Mittatur in scholam & ludum literarium,
Quàm cum iam nunc domestica indulgentia est
Corruptus: & uitia insuper, tum intelligit,
Tum degustauit. Is non modò nullum quidem
Amorem

RECTA INSTITVT.

Hypermetrum

Amorem literarum uel admirationem,
 At potius erga illas acerrimum odium,
 Contemptum præceptoris, & turpissima
 Exempla adfert domo. Cum monstro eiusmodi,
 Præceptori decertandum est. Quod si doces,
 Peregrinatur animus pueri. Atq; ut optimè
 Succedat, est sexcenties idem penè
 Inculcandum, dum illi inuito hæreat animo.
 Cum paululum dein' modò despexeris,
 Ex animo pueri rursus omnia effluunt
 Illa, toties decantata. Et si reddere
 Cogas, quæ didicit, tum uerò ludibrio
 Haberi planè uideas præceptorem, eò,
 Quia puero uoluptas est, fecisse quod
 Præceptorem suum urat atq; exerceat,
 Vt contumacia iuuentutis est modò.
 Si quis rudem docere cogatur asinum
 Ludere fidibus, aut saltare camelum, precor,
 An non egregiè miserum illum dicas mihi,
 Laborem qui frustra sumat uel maximum?
 At tolerabilius id est, quam nostros indies
 Pueros docere. Namq; ut promoueas nihil
 In asino uel camelo exercendo miser,
 Certè illi nulla inuicia molestiam
 Cumulant. At isti belli pueri, strenuè
 Cum nos defatigarunt, in nos insuper

Sunt con-

COMEDIA DE

Sunt contumeliosi. Inuenias qui palam
 Ausint conuitium facere præceptoribus,
 Et manus auriculas imitatur clam mobilis
 Albas. Quid cedo est, si non hæc est miseria?
 Sed quid queri iuuat. Necesse est, quemlibet
 Suae uocationis acquiescere
 Stationi, & fidelem esse cum patientia.
 Sis asinus, quemcunq; asinum sors nimis aspera
 Fecit, dixit quidam quàm prudentissimè
 Ibo nunc ut uideam, quid rerum intus agitent.

ACTVS III. SCENA I.

Senarij.

PHILEDONVS. ACHARISTVS. PA-
 rinus. Agapetus.

PHILEDONVS.

VT præceptorem dii perdant omnes malè,
 Orbiliū illum, factitauit hoc mihi
 Iam sæpiusculè, saxo ne porrò faciat.
 Quare eius nunquàm posthac ludum ingrediar: aut
 Moriar potius. Hòc dico uobis seriò.

ACHARISTVS

Idem planè & ego sentio, ita doluit mihi

Hæstera

RECTA INSTITVT.

Hesterni plaga. Malo quodcunq; in posterum
Et experiri & perpeti, quam Orbiliij
Illius flagra. Grandes iam ferme sumus,
Iniquum est nos uirgis adhuc cædi asperis.

PARINVS.

Ego ita inflammatus certè sum ira & odio
Aduersus præceptorem, plagiarium
illum, ut si adesset, dentibus discerpere
Hominem cuperem. Egonè regrediar ad ipsius
Scholas? Nunquam faciam. Habeo septendecim
Iam annos, uirgas nolo ego quidem pati amplius.
Quamuis duri hac in parte parentes sunt mihi,
Malo tamen quiduis uel facere uel perpeti,
Quam sub carnifice illo dehinc porro discere.
Promissis tu quidem stetisti Agapete mi,
Vt socius mecum unà plagas perfortiter
Acciperes. Ego tua uicissim gratia,
Omnia uolo atq; cupio, adusq; sanguinem.

AGAPETVS.

Ego mihi ex Ephebis excessisse iam
Videor, & uerbera uirgarum paterer adhuc?
Non, si me magnus fulmine perdat Iupiter.
Plagas non curo, sed ignominiosum erat,
Nos grandiusculos, ut pusiones malè
Tractari. Valeat ergo schola & Didascalus,

C Meas illi

COMOEDIA DE 29

Meas illi nates non præbebo amplius.

PHILEDONVS.

*Si placet à prandio eamus hinc in proximum
Nemus, quod ualde amœnū est. Namq; & animus, &
Cœlum, & dies inuitant ad ludendum, age,
Si sic uidetur omnibus, ad duodecimam
Huc confluamus atq; agamus hilariter.*

ACHARISTVS.

Placet consilium. Vobiscum ego uolo omnia.

PARINVS.

Et me uobis ultrò sodalem præbeo.

AGAPETVS.

*Ego non nihil uereor Episcopi mei
Boni senis, & docti uiri inclementiam.*

PHILEDONVS.

Quid Episcopum times? Idem is fecit puer.

ACHARISTVS.

*Ludamus, rideamus & iocemur hoc
Die simul unà, qui dudum unà fleuimus.*

PARINVS.

*Ne deseras fratres, Agapete candide,
Voluptatum sis socius, qui poenæ lubens
Esse uoluisti. Sine te frigent omnia.*

Agapetus.

RECTA INSTITVT.

AGAPETVS.

Fiat quod vultis ergo. Et me vobis dabo.
Verum quas hic quaeso mulieres conspicio?
Meretriceo videntur cultu incedere.
Sistamus hic gradum, ut audiamus quid uelint.

PHILEDONVS.

Expostulat illa, cum diademate Regio
Manete, fortè nobis præda parabitur.

ACTVS III. SCENA. II. Senarij.

VOLVPTAS, VIRTVS, AGAPETVS,
Philedonus, Acharistus.

PARINVS.

HEus tu famelica num meministi bestia,
Tibi indixisse me bellum insanabile,
Et perpetuum? Quid ergo hic in regno meo
Tibi est negocij scelerata? quid obambulas?
Quid vis? quem quæris? fortè iuvenes optimos
Illos ut seducas? Vix me contineo, quin
Venefica tibi in oculos unguibus inuolem.
Fuge hinc ab oculis mendica, aut pulsaberis,
Viamq; hic cerebro disperges. Nunc apage te,
Vel malè mulctaberis. Non tu hinc scelestas abis?
Diminuat ego caput tuum hodie, nisi abis hinc.

C 2 Virtus.

COMOEDIA DE
VIRTVS.

Quid tibi feci, aut quid facio, quod me persequi
Studes, uoluptas, plus quàm capitali odio?

VOLVPTAS.

Rogas incantatrix? Non ego tecum modò
In disputationum arenam subdolam &
Sophisticam descendam, sed fortissimo
Duelli tecum certamen inibo pectore.

VIRTVS.

Non ego, bona tu, certandi huc ueni gratia.
Nec enim bellatrix sum. Si te tanta stimulat
Petulantia ac abdominis prurigo, ut hinc,
Quomodo animi tui libidinem uelis
Explere, nescias, certato cum tuis,
Et benè sit tibi, nec mihi paupertatem exprobres.

VOLVPTAS.

Mendica tu, quid gannis? Non possum amplius
Mihi temperare, quin tibi protinus inuolem in
Capillum, & sic animo satisfaciam meo.

VIRTVS.

Obsecro iuuenes, ferte miseræ & innocenti opem,
Ferte auxilium, iam subuenite inopi mihi.

VOLVPTAS.

Etiam

RECTA INSTITVT.

*Etiam clamas? Committes iterum ut uapules.
Scelesta est hæc ô iuuenes, & uenefica,
Cauete ne dictis moueamini suis.
Cauete. Nam uestra huc processit gratia,
Vt uos seducat, fallat, atq; pertrahat
Vos in suarum miseriarum retia.*

VIRTVS.

*Non ulciscar ego iniuriam hanc, Deus meus
Vlciscetur suo tempore. Dixit etenim,
Mihi uindictam, & ego retribuam. Illi meam
Causam commendo uindicandam perpetim.
At uos, adolescentes boni, cognoscite
Quæ sim, nec maledicæ date aures credulas.
Ego uirtus sum, dilecta Dijs & hominibus.*

VOLVPTAS.

*Nolite audire garrulam, nec credite.
Ego uobis quæ sit dicam, & coloribus
Eam suis depingam, iuuenes optuni.
Laudet te os alienum, sic scriptum est bestia, &
Laus propria scætet, uulgo uerè dicitur.
Audite me, iuuenes ætate floridi,
Non mentior. Hec sentina malorum est omnium,
Laboris mancipium, atq; paupertatis &
Ærumnarum scaturigo & fons proprie.*

COMOEDIA DE

VIRTUS.

Cur mentiendo miseros adolescentulos
Is perditum? Sed sic soles. Audite me,
Cupio seruare uos, hæc uerò perdere.

VOLVPTAS.

Quam blanda es meretrix, hos ut capias scilicet.
At uos aures obturate, iuuenes mei.

VIRTUS.

Sine ut dicam, dein' si quid habes obijce.
Facile in hac caussa patior hos ego iudices.

VOLVPTAS.

Quid mendica obsecro dignum laude adferes?

VIRTUS.

Sim mendica, (sine loquar) quid tum postea?
Talis sum, qualem me Poëta Silius
Italicus descripsit, cuius & hæc uerba sunt.

us Sillij
i. Mecum honor & laudes & læto gloria uultu,
Et decus & niueis uictoria concolor alis,
Me cunctus lauro perducit ad astra triumphus.
Casta mihi domus & celso stant colle penates.
Et ne testi uidear ego inniti unico,
Audite iam Poëtam plautum illum insuper.
Virtus præmium est optimum, uirtus omnibus
Rebus anteit profectò, libertas, salus, uita,

Res, pa-

RECTA INSTITVT.

Res, parentes, patria et prognati, tutantur, seruantur.
Virtus omnia in se habet. Omnia adsunt bona, quem
penes est uirtus,

Hæc non ego fingo, sed doctissimi uiri
De me dixere eiusmodi. Iam accedit his
Iuuenalis noster, referens, quàm sim nobilis,
Tota licet ueteres exornent undiq; cœtus
Atria. Nobilitas sola est & unica uirtus.
Seneca inquit. Inter astra habet uirtus locum.
Et maximum quod est, idem Seneca refert.
Nunquam stygias ad umbras fertur inclyta
Virtus. Beatos non modò in hac uita, sed &
Exacto huius uitæ curriculo, facio. Num
Ergo sum contemnenda, & potius omnibus
Non appetenda uiribus? Vos iudices
Estote. Ego met mihi merces pulcherrima,
Et precium dicor longè maximum mihi,
Diuitijs animosa meis. Porro hac gratia
Veni, quo uos, iuuenum omnium pulcherrimos,
Ad amorem inuitarem mei, quæ maximo
Opere amatores ornare soleo meos,
Et temporalibus, æternisq; eos simul
Bonis beare. Quid cupitis his amplius?
Sequamini ergo me, & non seductricem eam,
Cuius uia mors est ac ignominia sibi.
Simplici ego incedo habitu, haud uos hoc absterreat.

COMOEDIA DE

Amica nempe Dei sum, cui uerè placet
 Humilitas. Ista, est uaria ueste amicta. Nam
 Satanae seruit, Dei & hominum hosti perfido,
 Atq; eius aulae est affecula superbissima, &
 AEternum cum principe suo damnabitur.
 Hec uos monere uolui, iuuenes optimi.
 Oratio ueritatis est simplex, sed est
 Mendacium uarium. Monuisse sit satis.

VOLVPTAS.

Dixistis Oratrix? Oratio splendida
 Sanè fuit. Vah quantus splenduit nitor,
 Vis quanta animos rapuit. At ego aliam tibi
 Iam cantuunculam occinam, Nasonis hoc.
 Rara quidem uirtus, quam non fortuna gubernat,
 Quæ maneat stabili cum fugit illa pede.
 Audis te subditam mihi, teq; à meis
 Gubernari? Quid hoc, satin' tibi placet? Et
 Addit quidem Poëta festiuissimus,
 In omne te scelus ruere, cum deserit
 Te fortuna, soror mea. Quid peius dicier
 In te potuit? Italus ille Filius tuus,
 Idem te futilem appellat, nempe dictitans.
 Nam uirtus futile nomen. Claudianus &
 Dixit. Vile latens uirtus. Audi quæso, quane
 Sis contempta ubiq; . Iuuenalis loquitur tibi.

Quis enim

RECTA INSTITVT.

Quis enim uirtutem amplectitur ipsam,
 Præmia si tollas?
 Quod te quoq; Philosophastrea, nobilem facis,
 Toto erras cœlo, indocta & iuris nescia.
 Alij sunt quippè nobiles, alij quoq;
 Qui uirtuosi dicuntur, alij diuites.
 Vnde sequitur, quod uirtus planè non potest
 Dici nobilitas. Conuenire tamen potest
 Diuitibus hoc nomen, non tibi mendica tu.
 Glossa est notabilis in Baldo atq; Bartolo,
 Super legem. Nobiliores natalibus.
 Codice, de Mercatoribus & Commertijs.
 Vt efficiamini autem uerè nobiles,
 O uos adolescentes longè suauissimè,
 Sequamini me Reginam, non pauperem
 Et mendicam, laboriosam & anxiam
 Virtutem illam, quam qui secuti sunt, fere
 Omnes malè perierunt. Hoc nil certius,
 Quàm quod uitæ hominis detrahat, & mortem uocet
 Iusta ante tempora. Ego uerò econtra meis,
 Fortunas amplas, nobilitatem, & coniuges
 Pulcherrimas, cum dote maxima, insuper
 Longam, bellam ac incolumen uitam largior.
 Penes me letitia est, solidumq; gaudium,
 Tripudium, & ouatio. Tristitia mater est
 Ista, exiccans ossa, atq; mortem concitans.

COMOEDIA DE

Me omnes Reges terræ, & potentes sæculi
Colunt, & coluerunt semper. Nec mea minus
Castra sequuntur docti omnis generis. Me quoque
Adorant iam pleraque uirtutes, sua
Relicta, aut potius, abnegata Domina. Erit
Etiam propediem tempus, quo totus mea
Sequatur castra mundus. fundamenta sunt
Iam pulchrè iacta. Quid restat igitur, meo
Minus cur. subijciamini imperio, boni
Iuuenes. An sordidi magis, quam splendidi.
Cupitis uitam exigere? Date mihi nomina.

V I R T V S.

Blandæ Sirenum sunt uoces istæ, O mei
Adolescentes, Caete, sallet perfida,
Fallet, faller, perdet corpus, simul animam,
Et perpetuo uos damnandos gehennæ dabit.

V O L V P T A S.

Quid obstrepis mendica, quin fugis illico
E conspectu & oculis meis? Dolent mihi
Dudum oculi, quod te conspicio. Nisi fugeris,
Sceleratos illos eripiam oculos tibi,
Et te prostratam humi conculcabo pedibus.

V I R T V S.

Sanguinolentæ ac atroces sunt minæ tuæ:
Bona uerba quaeso, ne scæi tantopere.

Voluptas.

RECTA INSTITVT,

VOLVPTAS.

Etiam irrides? Vt te Dij perdant bestia.

Ad Monomachiam te prouoco, ut intelligant

Hi, cuius partes Dij foueant. Si talis es

Qualem te dudum iactitabas, aggredi

Cessas? Quid? Aperto Marte te hostem fortiter

Lacesso. Quid uelut cancer graderis retro?

Aut fortiter sta, aut turpiter fuge. En caput

Tuum peto, non posteriora, triuenefica.

VIRTVS.

Non sic pugnare, Magistro edocta sum optimo.

VOLVPTAS.

Non pugnabis nefanda, nec fugies tamen,

Sed uerba hic sapientia fundes? Iam iam scies.

VIRTVS.

Fer opem Deus meus, auxilio adeste optimi

Iuuenes, prohibete, Nam uim patior maximam.

Ridetis? Partes hi fouent magis tuas,

Ah, quàm meas. Sum derelicta ab omnibus.

Non me reliquit attamen Deus meus,

Etsi eius hic uindicta se non exerit,

Vlciscetur tamen hanc grauiter iniuriam

Tempore suo, quo non speras. Tu uideris.

Ego possidebo animam meam in patientia,

Ferantq;

COMOEDIA DE

Ferantq; crucem Dei mei sine murmure.
Eius, ne me eneces, aderunt mihi angeli.
Te Diabolo commendo & eius angelis.

VOLVPTAS.

Heus tu, quin præstolaris paululum? fuga
Sibi consulit uenefica, nec sapit male.
Heus fibulam tecum defer? Quin iam redis?
Lætam reporto ab hoste nunc uictoriam.
Videte adolescentes mei, quàm propicios
Habeam Deos, quàm sim fœlix ego undiq;
Cur non mihi protinus datis iam nomina,
Meoq; uos subiicitis imperio leui?
Promitto uobis omnes huius sæculi
Delitias, & suauem uitam, ac læta omnia.
Quid cogitabundi statis charissimi?
Num tanta opus deliberatione erit?
d Agape. Responde tu præ cæteris formosule,
Nam Genio non alieno à Regno nostro agi
Videris, sicut & socij omnes hi tui.

AGAPETVS.

Decora tu es, & polliceris optima,
Magisq; nobis & maiestas corporis
Tui ac orationis splendor placuit, ut
Verum fateamur, quàm uirtutis paruula,
Abiectæ & simplicis, quæ persuadendi habet
Autoritatem

RECTA INSTITVT.

Autoritatem nullam penitus. Ego lubens
Tibi me dedo, Regni tui clientulum,
Agapetum hunc. Pro se uestrum quisq; respondeat.

VOLVPTAS.

Recipio te Agapete in clientulum meum.

PHILEDONVS.

Et ego uoluptati Reginae me dabo.

ACHARISTVS.

Nec in me mora erit, quin Reginae seruiam.

PARINVS.

Et me tibi Regina seruulum offero.

VOLVPTAS.

Frugi estis & Regno meo percommodi. Haud
Illiberales uos praebeatis, & lubens
Vobis bene faxim. Iam nunc hoc unum restat,
Vt exhibeatis uos fideles, strenuos,
Et constantes meis in castris milites,
Commessando, potando, scortando, dies
Noctesq; luxuriando, ludendo, bonas
Quas dicunt illi artes, cum praceptoribus
Spernendo, ac prosequendo uirtutem odio,
Nil non tentando, quod bonum reddat animum,
Vultumq; hilarem faciat. Curis nil sit loci.

Horum

COMOEDIA DE

Horum præceptorum sit æmulatio
Inter uos. Et te alijs præficio Principem
Agapete fili. Namq; præstas corporis
Forma, & magnus fieri uelle uideris mihi, in
Regno meo. Ad astra sic itur. Quod reliquum est
Præceptorum, dabitur intus. Me sequimini.

PHILEDONVS.

Habes ne domi ueneres aliquas pulchellulas?

VOLVPTAS.

Habeo utiq; singulas formosas singulis.

PARINVS.

Dominam sequor lubentius iam, quàm prius.

ACTVS. III. SCENA. III.

Senarij.

DIDASCALVS, NIPHALIVS, COSMIUS, Cletus, Aspondus.

DIDASCALVS.

A Deste huc uos robusti iuuenes quatuor,
Exploratum ite de Agapeto, Philedono,
Parino & Acharisto iam, per angulos
Omnes urbis, si qua latitent lenonis in
Domo, nebulones pessimi, qui absunt schola
Modò. Nil prætermittite, quærite impigrè,
Vt in

RECTA INSTITVT.

Vt in ordinem redigantur, & dignam sua
Improbitate accipiant mercedem pessimi.

NIPHALIVS.

Quantum in nobis, Magister, fiet sedulo.

Queremus & nihil prætermittemus, ut
Inuentos & præhensos pertrahamus huc.

COSMIVS.

Vi me nihil quidem desiderabitur.

CLETVS.

Nec mea sanè præceptori deerit fides.

ASPONDVS.

Has illi non effugient unguës, uah quibus
Illos tractabo modis, quomodo tenebo eos.

ACTVS III. SCENA III.

Senarij.

AGAPETVS, PARINVS, PHILE-
donus, Acharistus.

AGAPETVS.

Libet ne decertare saltu? PAR. I. ludus is
Non conuenit pransis. AGAPE. Quamote-
rem? PAR. I. Ventris quia

Suburra.

COMOEDIA DE

Suburra grauat corpus. AGAPE. Hui sanè, haud
admodum.

PARI. Quod igitur saliendi genus uobis placet?

AGAPE. locustarum à saltu auspicemur, tibia

Vtraq; sed pedibus iunctis. longissimè

Qui promouet, feret coronam. Huius ubi erit

Satietas, aliud atq; aliud inchoabimus

Genus. PHILE. Equidem nullum recusabo genus,

Nisi quod cum periculo fit corporis.

Nolim quidem mihi cum chyrurgis esse rem.

ACHARI. Quid autem, si unica certemus tibia?

AGAPE. Ad omnia sum paratus. PHILEDO.

Valeat ille nunc

Ludus, qui est Empusæ. PARI. Metam designa cho-

AGAPE. Paratus sum. PHILE. Verum quod erit

uictoriæ

Præmium? AGAPE. Abundè magnum uictoriæ
gloria

Præmium. PARI. Ego uicto potius dandam esse in-

Mercedem, gratia solatiij. AGAPE. Sit hoc (quid

Idcirco præmium uicto, ut lappa benè

Coronatus in urbem redeat. PARI. Non hoc qui-

Recusarim, si tu præcedas, tibia (deme

Canens. Sed uideamus iam, quid possis Thraso.

Præcede, nos nihil concedemus tibi.

AGAPE. Quid illa placet meta? PARI. Illam

facile uicero.

Agape.

RECTA INSTITVT.

AGA. Eho uictor egregiè. PHIL. Illius uerò uicem
 Ego Vlciscar. AGAPE. Bona uerba, oro ne feceris;
 Mi Vir. PHIL. Num irrides princeps? AGA. Ri-
 diculum caput,
 Quasi uerò non sis ridiculus. ACHARI. Ego quoq;
 Experiar quid possim? Satin? uidetur hoc?
 AGAPE. Nondum metam attigisti. Verum sufficit
 Saltasse iam, si placet, eamus ut sitim
 Restinguamus parumper, contractam modò
 Ex certamine. Redeamus ad puellulas,
 Numero nobis respondentes, unde huc suauis
 Progressi deambulatum. Ibi potabimus,
 Amabimus, & saltabimus. Sunt Virgines
 Equidem bonæ, ferunt libenter amorem. PHI. Agè.
 Ergo, quid cessamus. Hylarem hunc nobis diem
 Sumamus. PARI. Sed quid fiet, si Magister hæc
 Resciscat? Vereor mehercule ne hæc Comœdia in
 Tragœdiam exeat, & uertatur gaudium hoc
 In planctum. ACH. Et ego, mi Parine, eadem cogito.
 AGAP. Dama & lepore timidiores estis, uiri
 Sitis. Iam hæc ætas nostra liberam magis,
 Quàm aliorum, qui elementa primum discere
 Incipiunt, uitam postulat. PHILE. Tanti quidem
 Non facio præceptorem. Ausit me tangere
 Vel digitò. Hunc ego ei, ecce, pugionem in uisceru
 Contorsero. Conspirate mecum, si placet,

D

Et date

COMEDIA DE

Et date fidem, uos ut aheneos muros stare
 Velle pariter mecum, ut si quis fortè ingruat
 In me, in uos impetum fieri putetis, &
 Si quis uos uel digito attigerit, iniuria
 Mea sit, & me læsum putem, hocq; uindicem
 Manu hac. AGAPE. placet conditio. Iuramus fidenter
 Nunquid? PARI. Quando ita placet, fiat.
 ACHARI. Pueri haud sumus.

ACTVS III. SCENA V. Senarij.

DIDASCALVS.

VErè dictum prouerbio. Vicinus est
 Qui claudo, claudicare discit. Sic ouis
 Vel una morbida, totum ouile malè inficit.

Quis non nouit quantum mali secum trahat
 Mala societas? Corrumunt mores candidos
 Colloquia praua, inquit Poëta. Vnde Seneca.
 Conuictor delicatus, paulatim quidem
 Eneruat ac mollit. Malignus socius &
 Quantumuis candido atq; simplici, suam
 Rubiginem affricat. Neceffe est oderis,
 Aut imiteris. Item. Vnum exemplum malum, mali

Multum

RECTA INSTITVT.

Multum facit. Que experior omnia in meis
Discipulis, qui unà hærent in aliquo ganeo, à
Philedono seducti, nequam pessimo.

Quamuis quoq; Agapetus corruptus erat, prius

Quàm disciplinæ commendaretur meæ.

Magni ingenij puer est, sed educatio

Corruptit indolem bonam. Iam grandis est,

Igitur cogi non uult, nec habere tamen potest

Suæ uitæ modum ipse. Miserrimi sumus

Nos Pædonomi, qui in pistrino literario

Sudamus, atq; paruani inimus gratiam.

ACTVS III. SCENÆ VI. Senarij.

NIPHALIVS, ASPONDVS, COS-
mius, Cletus,

NIPHALIVS.

Vbi illos quæremus, ubi inueniemus, bone
Asponde, quid in commune quæso consulas
ASPONDVS.

Ego quidem nescio, nemo nobis obuiam
Fit hic, qui diceret se comperisse quid
De illis. Habitat hic quædam lenæ scilicet

D 2

Actus,

COMOEDIA DE

Anus, communes corruptelæ iuuenum. Age.
Si quis fortè unam illarum adeat, quid hoc placet?

NIPHALIVS.

Num notus es illis aniculis tu forsitan?

ASPONDVS.

Noui unam & alteram, sed non hoc admodum.

NIPHALIVS.

Non hoc de nihilo est, bone uir, quod nouisti eas
Fortasse obsequium præstiterunt & tibi?

ASPONDVS.

Quod obsequium dicis? properat en Cosmius
Ad nos rectâ, (uides ne?) cursu concito,
Cum Cleto, fortè nuntiaturi huc, ubi
Sint. Procedamus illis obuiam rogo.

COSMIVS.

Cletus & ego explorauimus ubi sint, boni
Illi uiri. Iam nunc illos uidebitis.

CLETVS.

Prodibunt insani nimirum & ebrij.

COSMIVS.

Hic præstolabimur exeuntes, si placet.

NIPHA=

RECTA INSTITVT.
NIPHALIVS.

*At quis cum furiosis illis & ebrijs
Ausit manus conserere? Ebrietas fortis est.*

ASPONDVS.

*Addit animum ebrietas quidem, atq; cornua
Sumit, sed temerè agunt ut plurimum ebrij.
Nos sobrij sumus, agamus ergo fortiter.*

CLETVS.

*Ne abijciatis animos, coniunctis uiribus
Faciemus impetum. Fideliter state.
Nunc ecce prodeunt magnis clamoribus.*

ASPONDVS.

Tacete, in istoc angulo latitabimus.

ACTVS III. SCENA VII.
Senarij.

AGAPETVS, PARINVS, PHILEDO-
nus, Acharistus.

AGAPETVS.

Nunc instant Bacchanalia. Bacchatum ibimus.
In hunc mihi usum hæc est parata larua iam.

PARINVS.

D 5 Hercles

C O M O E D I A D E

Hercule Parine te curasti molliter,
Lauteq; munus administrasti tuum.

P H I L E D O N V S.
Proh, commessatores sumus percommodi.

A G A P E T V S.
Laruati cursitabimus uicatin. Io,
Dein, ad amicas redibimus recta. Quid hoc?

P A R I N V S.
Ego interea aliquo abibo, mi uir, in angulum
Atq; edormiscam hoc uilli, finite, sic agam.

A G A P E T V S.
Num te sic abstrahes nostro à consortio?
Proh, minime gentium. Nobis communia
Bona simul erunt & mala. Scis quia stipulatus es?

P A R I N V S.
Ero non postremus in infania. **Pater**
Liber. Io **Bacche.** **PHIL.** Io **Ceres.** **AGAP.** Io **Venus.**
ACHA. Io **Dionysia.** **AGA.** Proueniant medij mihi
Sic sepe dies. **ACHAR.** Ho, ho, Io **Liber** pater.
AGAP. Non possum, quin festiua cantiuincula
Festum nobis latunq; hunc prosequar diem..
ACH. Occupet extremū scabies. **AG.** Vos canite simul
Diueris uocibus, nullus sit reliquus
Tristitiæ locus apud uos. **PHILEDO.** Paxan, Io.

Agape

RECTA INSTITVT.
AGAPETVS CANIT SAPHICVM.

Hunc iuuat demum malè feriatum
Esse, nunc Bacchum iuuat inuocare,
Nunc iuuat pulchræ Veneri litare,
O Dionysi.

Adsis ô nostris Venus alma festis,
Et Ceres adsis, benè digna nostris
Versibus pangi, sine qua uoluptas
Languida Baccho.

Absit hinc omnis metus atq; curæ,
In locum cedant alea & choreæ.
Et sales centum, meretrixq; bella,
Atq; crateres.

Viuere hoc dicas, benè si quis inter
Pocula & mensas sibi uixit, atq;
Gaudij nullum uoluit deesse
Turpis amorem.

Sic uoluptatis furiosa uiuunt
Castra, sic regnat bona, Dijs creata,
Pulchrior stellis similisq; Soli,
Nempe uoluptas.

Illius regnis ego mancipatus,
Colla subieci imperio suauì,
Viuo nunc foelix simul & beatus
Per noua regna.

C O M O E D I A D E

Nunc triumphantum simul ora, uoces,
Personent, dulces socij, sonoris
Vocibus clamor Iouis ad beati
Scandat olympum;
Filius magni fuerit tonantis,
Strenuè uitam peragens in aula,
Quæ uoluptati Dominæ sacra est. Sic
Itur ad astra.

ACTVS III. SCENA VIII.
Senarij.

ASPONDVS, CLETVS, COSMIVS, NI=
phalius, Agapetus, Parinus, Phile=
donus, Acharistus.

A S P O N D V S.

D Edite uos ergo trufatores peßi mi,
Vt præceptoribus per nos sistam ini.
C L E T V S.

Hunc ego mihi capiam, uos alios præhendite.

A G A P E T V S.

Tu perfide me capias? Mori quidem uelim
Lubentius, tuis capi quàm manibus. Ab
Nemo uestrum fugam det, fratres optimi.
Præfenti fitis animo & state fortiter.

Hos

RECTA INSTITVT.

Hos facile profligabimus in fugam, decet
Nos hic uirilitatis exemplum edere.

ASPONDVS.

Et uos accedite, accepi partem meam.

AGAPETVS.

Si tantum uobis animi est, nunc accedite.

PARINVS.

Venite, & si lubet, uel digito adserite nos.

PHILEDONVS.

Heus uos uoco. Venite, quaeso, capite nos.

ACHARISTVS.

Heus tu ueni, si honestus es commilito.

AGAPETVS.

Si non ueneritis, nos faciemus impetum,
Laceßiti, in uos per præceptis, non sine malo
Vestro, ut alijs exemplum sitis omnibus.

COSMIVS.

Dedite uos ultro, fortè condonauerit
Noxam uobis, præceptor, hanc absentiae.

AGAPETVS.

Non persuadebis istuc, si tibi Tullij

COMEDIA DE

Vis affluat eloquentiæ, tu proditor.

ASPONDVS.

Quid est quod cessamus in illos facere impetum?

AGAPETVS.

*Sinus primi ergo fratres, fortiter agite,
Nauci sunt & nihili homines ac dupondij,
Vel flatu facile hos in fugam conuertero.*

ASPONDVS.

*Væ misero mihi. Non herclè durare hic queo,
Si sic uultis. COSMI, Parce meo capiti furcifer.*

NIPHALIVS.

O facinus indignum. Parce mihi. Hei miseriam.

CLETVS.

Regnum ne Agapete possides? Iniuria est.

COSMIVS,

Quingentos infregisti colaphos iam ferè.

Iniquior nunquam uisa est certatio.

Sunt uerberando illi, nos uapulando, age.

Vtrinq; defessi. Os ego semper præbui.

AGAPETVS.

Heus ite nunc iam, fugite. Nam si pergitis

Esse molesti, geminabimus uobis malum.

NIPHALIVS.

Non her=

RECTA INSTITVT.

Non herculè cupimus. Hoc uobis prædixeram.

AGAPETVS.

Sic uos excipiam. Eho, redite, si lubet,

Redite. Egregiam uerò laudem atq; spolia

Refertis ampla. Sed superest quod uos uelim.

Quàm strenuè currunt, equo uix adsequi

Possis. PAR. Ego non ausim repetere nunc scholas.

PH. Nec ego, ita me Deus amet, audeo. ACH. Sathanas

Reuertatur, non ego. PHIL. Quid ergo fiet hic?

Quid faciemus dic? AGAP. Militatum fugiam ego

Aliquò, & uos unà, si placet, quando domi

Nobis tutus non est locus, nec in scholis.

Commitemus togatas has in militarem

Habitu uestes, aut uendamus. PHIL. Ratio placet.

Sed nondum conscribuntur, ut audio, milites.

Quid interea fiet? AGAP. prædabimur interim

Id nunc militibus scilicet haud uitio datur,

Sed gloriosum est. ACH. Si liceat impunè, non

Autem cum capitis periculo. Haud uelim mihi

Herculè, cum carnifice post aut tortoribus,

Rem esse. PAR. Et ea mea est sententia. Si cedat malò,

De uita agitur planè, nunc modò de podice.

AGAP. Infans, nihil est periculi, fingis tibi

Metum. Quid si cœlum ruat? Splendorem habet.

Proh, uita militaris. Pulchrum est, rem simul

Et gloriam, armis belli sibi parare. Me

Euat

COMEDIA DE

2 Iuuat gladiari fulminareq; ensibus,
 Et hastas uibrare. Equidem res est splendida,
 Ab omnibus metui, pariter & suspici.
 Familiarem esse Regibus. Num singulis
 Horis serè uidetis pompas militum,
 Et sesquipedalia auditis resonarier
 Verba? His conferte studia contemptissima
 Hoc tempore. Præcedit miles persplendide.
 Sequitur ex interuallo post, togatus &
 Simplex, sine omni externo splendore clericus
 Qui per contemptum, Papa, uel scriba dicitur.
 Summa, mihi non placent Musarum literæ,
 Humi quæ nunc uerè serpunt. Arridet ast
 Magis magnificentia Martis. Vos pedibus in
 Meam sententiam ite, nunquam uos quidem
 Eius consilij pœnitudo capiet. En,
 Ego uobis Dux ero & author. Non cedere
 Poterit malè. Magnas mihi agetis post gratias,
 Qui fuerim impulsor uobis. Sperate optime
 Et rebus uos seruate secundis fortiter.
 ACHA. Persuaseris mihi, in tuam sententiam
 Ut eam. Dij bene uertant nouum uitæ genus.
 Quod succedit multis, & mihi successerit,
 Si fors fortuna, quam inuoco, mihi bona erit.
 AGAPE. Erit, nè dubita. In eadem et tu sententia es?
 PARIN. Quanquam graue

RECTA INSTITVT.

Erit ualde hoc audire parentibus,
Tamen quid faciam, desperatis omnibus
Rebus. Quid tandem & hoc tentare nocuerit.
Si fuero redux, forte olim et hæc meminisse me
Iuuabit. Age comitabor in mortem adeo uos.

PHILED. Et ego in omnes casus paratus sum sequi.

AGAPE. Redeamus ad ueneres, ibi mutabimus
Vestes, atq; ad iter nos statim parabimus.
Si quid opus est porro, intus consultabimus.

ACTVS III. SCENA I. Senarij.

AGAPETVS, PHILEDONVS, PARINVS,
Acharistus.

AGAPE. Hos ego, malum, non potui uendere
Codices.

Valeant, phi, phi, ociosa nugamenta, phi.
Pudet me tantum in his contriuisse ocij.

PHIL. Et hos mihi reliquos ex omnibus libros
Proijciam, qui tot mihi peperere uerbera.

PARIN. Atramentarium hoc unum mihi superest,
Id non minus, quam libros hos damnauero,
Et abijciam. Valeat calamus pauperculus,

* Hic calamus melior est, & longe dignior.

ACHARIST. Hos pedib. conculcauero meis libros. signat.
Sic me

* Hæc

C O M O E D I A D E

Sic me dissectis uestibus incedere iuuat.

AGAP. Viros uos iudico, in nouo ordine strenuō

Sitis, facitote, nemo cedat alteri

Improbitate atq; malitia. Crīstus decet

Attollere uos nunc, & sesquipedalia loqui.

Imò fundere potius uerba. Incessus quoq;

Sit talis, qui omnes homines uos contemnere

Satis arguat, quos pecora præ uobis quidem

Putetis esse, aut umbras hominum, cæterum

Vos solos homines ueros. Hæc si præcepta

Obseruaueritis, strenuos in milites

Euadetis, Primus qui occurrerit hodie

Nobis, in eo exemplum statuemus, strenui

Quam simus tyrones. Vtinam modò obuiam

Se nobis mercatores aliquot offerant,

Bellè nummati, cum illis de marsupio

Nobis certamen esset. PARI. Si tamen pares

Illis & numero & uiribus essemus. AGAPET.

Erimus.

Audaces fortuna iuuat. Ad iungemus &

Alios nobis, iter huc facientes milites,

Stipendio quos conducam non arduo.

Similes similibus facile congregantur. In

Parœmia est, similis quærit similem sibi.

Fortes estote in bello. Ego hostem operiar hic

Ex insidijs. At tu istuc in arbustulum

PHILE.

R E C T A I N S T I T V T.

PHILE. Huc concesseris Parine tu.
Sed Achariste tu illic lateas commodè.

ACTVS III. SCENA II.
Senarij.

ASMENVS. DIDASCALVS.

ASME. Vbi, malū, est Agapet. quem iam triduo
Meis non uidi oculis. Equidem custos bonus
Iuuentutis uideris esse. Quid mihi

Respondes? Dic si uis. Num mutus factus es?

DIDAS. Quid de Agapeto dicam, quem neq; quic-
quam pudet,

Neq; metuit quenquam, neq; legem se putat
Tenere ullam. Vna, quod fertur, ouis morbida.

Totum corrumpit ouile. Si diutius
Scholasticorum in grege fuisset, optimos
Quosq; infecisset animos iuuenunt, pessimis
Exemplis, & totius gymnasij lues

Fuisset atq; pestis. Quare abesse eum
Gaudeo magis quàm doleo, ita me benè amet Deus.

A S M E N. Gaudes? Nunc quid dicam nescio, pue-
ritiæ

Corruptela. Ah sanum ne credis esse te?

DIDASC.

C O M O E D I A D E

DIDASC. Credo. Quid in etenim gaudeam, Episcopo, pessimum

Excessisse nebulonem ex grege scholarium
Meorum, qui iam tres seduxit primitus
Magne spei iuuenes, bonorum filios,
Certè optimum quenq; infecturus post, nisi
Facta esset discessio. Nescis qui uir fiet.
Ecce, fero ad te flagitia magna, ingentia,
Capitalia. Miseram quosdam dudum, qui eum,
Cum illis tribus, quos socios iunxerat sibi,
Ad nos adducerent ex ganeo suo,
Vt corrigerentur. Eos inuasit carnifex,
Aperto Marte, quantum potuit rapuit, &
Contudit, ac ad mortem multauit malè.

AS. Tua culpa id factum est, tu illum corrumpier
Siuisti. Tu inquam, Tu. Excusare non potes.

DIDASCA. Iuris sententia est celebris. Qui dedit
Occasionem damni, damnum ipsum dedit;

Dedisse uel certè uidebitur. Bonus
Ille adolescens noster. qui luxu perditus
Est, quòd amauit, quòd potauit, nemo hercule
Accusandus uenit magis, quàm Domine tu,
Qui his rebus sumptus suggerebas, & nimis
Indulgebas, præter bonum ac æquum. **AS.** Iam, cho,

Demum istæ nata iuris est oratio.
Nimis fuisti ineptus ipse, & filium

Apost.

RECTA INSTITVT.

Apostolo corrupisti negligentia.

Tu uideris ut respondeas Apostolo.

DIDAS. *Quid autem plus, quàm feci, facere debui?*

ASME. *Tui quidem me pudet et piget. An non prius*

Olsecisses, uel totis quatuor mensibus,

Quàm militatùm profugeret ille nebulo.

DIDAS. *Quid ni tu olsecisti, mi Episcopo, cui fuit*

Domesticus ille. Certè olfacere te prius

Oportuit, si modò curæ tibi fuit.

ASME. *Curæ fuit, ais? futilis es & somnium.*

Nolo prolixius sermones cadere

Tecum. Tu uideris posterius. Tibi Caue.

ACTVS IIII. SCENA III.

Senarij.

AGAPETVS, LISTA, ANEMERVS.

Anosius, Phylargirus.

AGAPE. *Quos hic mihi homines conspicio.
sunt quatuor.*

Ah esse uidentur milites. Id indicat

Habitus & uersicolores uestes. Num alloquar?

Benè sunt armati. Conueniam. Quid milites

Hac uobis est negotij? Quò curritis?

An dominum quæritis? frugi esse uidemini.

LIS. *Omnino dominum quærimus. Istac gnatio*

E

OMNES

COMEDIA DE

Omnes transcurrimus terras. Precamur ut
Viaticum Domine nobis impertias.

ANEME. Te Capitaneæ rogamus, milites tui,
Ne nos sine munere dimittas. Quod si tibi
Esse ex usu poterimus & inferuire, nos
Promptissimos habebis omni tempore.

AGAP. Si placet apud me commorari aliquot dies,
Certo stipendio, me Dominum habebitis.

ANO. Rectè dicis. Nihil esset optabilius hoc.

PHIL. Lubentes nostram operam dicamus hic tibi.
Habebis nos ad omnia paratissimos.

AGAP. Benè dicis. Dabo uobis stipendium
Vulgare, quod militibus ad mensem dari
Solet. Si uultis, iurate fidem omnes mihi.

LISTA. Accipimus conditionem & iuramus, tibi
Nos fore fideles & uigiles in omnibus,

AGAPE, Vos milites accipio stipendiarios.

Non malè habent principia. Expectamus hospites,
Suam quisq; occupet stationem fortiter.

Fortasse mox aderunt, qui dent ut ad hyemem
Viuiamus, liberaliter atq; diuites.

ACTVS

RECTA INSTITVT:
ACTVS III. SCENA III.
Senarij .

EMPORVS, PALINCAPELVVS, ECH=

malotus, Agapetus, Philedonus, Parinus, Acha-
ristus, Liffa, Anemerus, Anofius,
Phylargirus .

EMP. Ah nescio quid mali mihi mens præfagitat
In his densissimis syluis. Circumspice
PALIN. In tergo quoq; oculos decet
Habere. PALIN. Stant mihi præ timore comæ, tremo
Totus, uastissima hac in solitudine .

ECH. Stultè hercule fecimus, quod hanc soli uiam
Sumus ingressi absq; comitatu, idq; maxime,
In famis cum sit hic latrocinij locus :

EMPO. Parata fac arma habeas, armatos uide
Huc ad nos affectare cursus concitos .

PALIN. Armatos dicis ? Non uideo. Num somnias ?

ECH. Quid, quid ? ubi sunt ? Dij meliora. O bone De-
us, O .

Agapete. Vnde et quò huc pergitis nebulones pessimi.
Rationem reddite ilicò, si uobis salus

Vestra est cordi, aut ipsa hac hora moriemini .

EMPOR. Vobiscum quid nobis negocij uiri
Boni, Nostrum huc iter confecimus bono
Honestoq; instituto & Regia uia,

C O M O E D I A D E

Cupientes equidem lædere neminem, quod &
A uobis speramus. Quare dimittite
Nos illæfos, naturæ & iure gentium.

AGAP. Egone uos dimittam peſsimos uiros,
Locorum hominumq; proditores?

Qui iura quoq; ſi Dijs placet, citare pro
Se audent. Sceleſtum hominum genus atq; perditum.

PALI. O capitaneæ ter maxime, bone iuuenis &
Heros, obſecramus te, ut nobis parcere
Velis, haud uenimus proditiõis gratia, At
Negociationis exiguæ, Epheſi

Quæ nobis eſt cum honeſtis mercatoribus.

AGAP. Mercatores mihi nominas, hominum genus,
Quos unquam terra produxit, uaniſſimum.

Fex hominum, fons ſtultitiæ, ſentina omnium
Malorum. Eſſe, en, tales uos profitemini.

Ergo è medio tollendi meritò protinus.

ECHMA. Bone princeps, mitte nos, ciues Philippii
Sumus. Parum aut nihil habemus pecuniæ.

AHAPE. Illi ipſi eſtis, quos quæreſſamus. Exue.

ECH. Pauper ego ſum ciuis. Quid dabo, nihil habeo
Dimitte me, bone princeps pauperem uirum.

PHILE. Non dimittite hunc. Pecuniam aut uitam dabis.

EM. Si quid habemus, noſtrum eſt. Vobis cur dabi-
mus hoc,

Nobis quod conſtitit multis ſudoribus

Labori=

RECTA INSTITVT.

Laboribusq; Nunquam hodie faciam. Mori
Malo, quàm carere turpiter bonis meis.

PALIN. Nec ego dabo me. Extrema potius experiar
mala.

PARIN. Magna horum confidentia est. An non dabis?

ECHM. Perij, interij, occidi, quò nunc fugiam miser,
Quid faciam, mortem ante oculos conspicio meos.

Te rogo princeps, en arma proijcio, tibi

En supplices tendo manus. Lubens tibi

Memet dedo. Ah, ah, parce princeps maxime.

Peram quoq; tibi, auro grauem, si placet, habe.

Nihil præter uitam reseruare cupio

Mihi, O Princeps. Quid rapitis, aut quid tunditis?

AGA. Vos hunc exuite, spoliadte atq; perдите.

Egom et illum aggrediar ueteratorem. Dabis,

An non? uno dic uerbo iam nunc, ut sciam.

E.M. Quid dabit is, qui nihil habet? Quidnā poscit is

AGAPE. Vis clarius dicam? Arma pone primitus,

Dein peram, uestes quoq; insuper exiit.

EMPO. Duram uocem audio. Quid uobis feci mali?

AGA. Philedone & Parine rapite tertium.

Verum tu Achariste mihi adstes alacriter.

ECHM. Vitam mihi concede Princeps optime,

Ah princeps, princeps, subueni misero mihi,

Occidit à tuis. Quid tantillum iuuat

Effundere sanguinis? Quid mors prodest mea?

C O M O E D I A D E

EMPO. Ah miserum me, tuas qui deueni in manus,
Vis hæc quidem digna est puniri legibus.

AGAP. Iterum tu leges atq; iura nominas?
Vt te Dij omnes malè perdant. Etiam me putas
Leges & iura formidare? Iam scies,

Qui uir siem, quàm nihili leges Cæsaris
Et gentium omnium faciam. Procumbit ut
Bos magnus humi. Ecce quomodo prosternitur,
En quomodo rictum diducit, quomodo
Os torquet. Insuper quoq; hoc tibi cape.

PALNIC. O dilecta uxor, O dilecti filij,
Nunquam memet uiuum posthac uidebitis.
Manibus Dei meum commendo spiritum.

ECH. Te inuoco, te quaeso princeps clementissime,
Sat uulneratus sum, uitam concedite.

AGAP. Huic uitam prorogate aliquantisper modò
Iam, manibus ad arborem post terga arctissime
Reuinctis. Et ne clamet frenum faucibus
Inijcite, donec hunc, qui mihi se opposuit,
Despoliatum iam iam, uita quoq; exuam.

PALIN. O cælum, O terra, O secula, O mores, Deus
Meus, Deus meus, me miserum respice.

PARI. Quid clamas furcifer? quid inuocas Deum?
Is te iam curat scilicet, quasi nihil
Habeat aliud quod curet. Ergo liberet
Te iam nunc ex manibus nostris, si illi places.

LISTA.

RECTA INSTITVT.

LISTA. Vtrunq; brachium post terga porrige.

Extende fortius, quid scapulas contrahis?

ANE. Caput quoq; erige, ut hanc torquem collo tuo

Circundem, & istud frenum inijciam faucibus.

ECH. Ah, ah, me terq; quaterq; infœlicissimum,

O dulces liberi, O coniunx charissima.

PALIN. O pater immensæ misericordiæ Deus,

Per Filium tuum dilectum te inuoco,

Fer opem misero, serua me perditum obsecro

AGAP. Clama altius, forsân dormit Deus tuus,

Aut est in diuersorio, ut te exaudiat.

Iam ego meis te interficiam manibus, nisi

Te liberet Deus ille tuus. Sed longius

Abesse uidetur, opemq; differt fortiter

Potius morere, præsentis sis animo, atq; nunc

Extende iugulum huic gladio. Quid tardus es?

PAL. Quando mortē euadere nequaquā queo miser,

Nec ulli apud uos misericordiæ locus

Est reliquus, heu latrones perditissimos,

Fiat Dei uoluntas in me, quando sic

Eius placuit oculis, non formido pati

Mortem, Dei cum Filius mortem quoq;

Pro me misero subiuerit indignam crucis.

Tuis manibus Fili Dei uiui meum

Commendo spiritum, redemisti Deus

Verax me miserum. Spiritus tuus bonus

C O M O E D I A D E

Deducet me in terram rectam, propter tuam
Mortem sanctissimam & promissam gratiam,
Vestrum uobis etiam non deerit praeium.

Facite iam quodcunq; est in animo, adsum, pati
Paratus omnia, nec mortem diram horreo,

Qui uitam longè meliorem mihi scio,
Apud Christum Dei dilectum filium,
Paratam, ad quam mors ista praebet transitum.
Non te tyranne crudelissime timeo.

Corpus quidem potes, at non animam occidere,
Cupio ergo dissolui & cum Christo uiuere.

AGA. Mori uolenti, mors deesse non potest.

Viue igitur cum Christo tuo, & sic transeas.

Cadauera mortua in lacunam projice.

Tu uerò spolia appone huc protinus omnia.

Est commoda satis praeda nostris unguibus.

Tu uestem illam undulatam cape, tu tunicam,

Tua sit pars illa. Quod reliquum, mea portio est.

Pecuniarum satis est magna copia,

Quis numerare cupiat? Aceruatim diuidam.

Tuus sit aceruus iste, tuus sit ille, sit

Tuus hic. Hoc esto militum stipendium.

Quod uerò superest, hoc totum mihi uendico,

Qui uobis nempe Ducatum praesto, uiribus

Qui praestantissimus, uestrum quicq; omnium

Dignissimus sum. Sic ad astra itur uiri.

Nunquid

RECTA INSTITVT.

Nunquid mentitus sum, aut si falli uos mei?
 Nunquid compendiosa est, absq; laboribus,
 Via hæc ad diuitias? Hoc demum uiuere est,
 Hoc est imperio potiri. Iam præpotens
 Monarcha ero propediem, & uel Croesi mihi
 Diuitias congregauiero. Lætum hunc diem
 Sumemus iam, genio indulgentes affatim,
 Non decrit quicquam gulæ nostræ aut luxui.
 ANO. Sed quid, princeps, fieri uis de hoc homine, cito
 Expediemus, ne dicat quis eum laesit.
 AGA. Rerum successus me obliuiosum fecerat.
 Abi, ac ori eximas linguæ repagulum.
 Stet tamen ad arborem haud solutus uinculis,
 Ut cum, quæ sunt necesse dici, dixerit,
 Globorum ictu aut sagittis configatur &
 Pereat. Morieris, si quid uis, mecum dicito.
 ECHMA. Te ego oro, te obsecro, mi princeps optime,
 Ut me uita dones, quæ nunc planè est tua.
 Aurum quod accepisti purum, sit tuum.
 Quingentos insuper me promitto tibi,
 Bona atq; infallibili, certa & tuta fide,
 Soluturum aureos, duos intra dies,
 Nec me cuiquam hominum reuelaturi mea,
 Quæ contigerunt mihi, sic me saluet Deus.
 AGAP. Quàm pulchrè nouit uerba dare trisarcistr,
 Ut scilicet me cum meis tu perderes,

E s Meq;

C O M O E D I A D E

Meq; & meos socios extemplò proderes.

ECH. Absit. Non prodam uos, Christus sic me adiuuet,
Cuius ego nolim deierare gratiam
Et regnum, si moriendum sit mihi millies.

AGA. Quid Christi nomen occinis mihi, quis est?

ECH. Est Filius Dei unicus, Deus & homo,
Qui nos suo redemit in cruce sanguine.

AGA. Autore quo, fidem illam, dic, edoctus es?

ECHMA. Ioanne autore, maximo Dei uiro,
Qui Iesu discipulus fuit charissimus,
Et Ephesi publicè uerbum Christi docet,
Cuius ego me quoq; auditorem profero.

AGA. Ioannem nosti Apostolum? uah traditor,
Nunc scio, quod speculator sis atq; proditor.
Occidite protinus hominem, nec sit mora.

ECH. Quid morte dignum dixi aut feci miser ego?
O Princeps, parce propter paruos liberos,
Non proditor ego sum, quod si compereritis,
Exquisitis me afficite tormentis dein'.

AGAPE. Credendumne putas esse huic Philedone?

PHILE. Bonus esse uidetur, alioqui. Parcendum erit.

PARI. Detineatur captus, donec numerauerit,
Quod promisit. Quis sit, patefcet tempore.

ACH. Placet ut uiuat, donec quingentos numerauerit.

AGA. Rogarunt hi me plurimum, ut tibi parcerem.
Parcam itaq; modò promittas soluere uelle te,

Absq;

RECTA INSTITVT.

Absq; malis artibus, quingentos aureos,
Intra biduum. Das sine dolo malo fidem?

ECH. Do tibi tuisq; fidem, princeps, firmissimam,
Atq; insuper habeo gratiam quam maximam.

AGA. At captiuus nobis manebis interim.

ECH. Manebo princeps, atq; hinc mittam nuncium.

PHIL. Reuiuiscit iam nunc, princeps, quē occideras,
Fugamq; adornat è lacuna mortuus.

AGA. Tenete, tenete, capite mihiq; adducite.

Quid hoc? Reuiuiscunt nobis & mortui?

Te mortuum credideram, bone uir, iam excitas

Nobis novos ludos. Iam morere denuò.

EMPO. Ignoscat tibi Deus, Orphanorum qui pater,

Et uiduarum iudex est, meam cui

Commendo coniugem & dilecta pignora.

Christe tuas in manus iam trado spiritum

Meum. Redemisti me Domine Deus meus

Precioso sanguine, Veritatis tu Deus.

Non moriar, sed in te uiuam in uita altera.

Fac finem Domine, fac finem cruciatui,

In extremis ad sis tuo mihi spiritu,

Ne me diræ mortis perturbet atrocitas.

AGAPE. Quid hominem excarnificando cruciatu
tis diu?

Dum frustra certatis, dolore & ex suo

Voluptatem, nescio quam, uobis fingitis.

Sic ergo

COMŒDIA DE

Sic ergo morere. En efflat animam protinus.
 ACHARI. In uentos uita recessit, abiit spiritus.
 PAR. Propendulum caput, labia sunt pallida.
 PHI. Nasus friget, & omnia mortem præ se ferunt.
 AGA. Soluite nunc uincula, atq; uestris moribus
 Eum sepelite. Veniet uobis statim
 Iam lautior ferina, & oppiparum magis
 Fors ferculum. Incidet præda in casses meos,
 (Nisi animus omnino fallit) petita. Fors
 Fortuna sis bona, sis tuis propicia, sis
 Clemens, æqua, & secunda tuis clientulis.

ACTVS V. SCENA I. Senarij.

FAMA, VIRTVS.

FAMA. Quid agam? Euolabo, an non? Timeo.
 Non ædepol
 Ausim prodire. At prodeundam omnino erit.
 Non possum continere me domi amplius.
 Sed uastam adeo, horrendum ac ingens monstrum uelut,
 In publicum prodire me subito, haud metu
 Vacat, & non est tutum. Sic potius contraham
 Vastum hoc corpus, & humi serpam. Sic melius est.
 Nec clara dicam uoce, quæ scio, omnia,
 Sed murmurabo potius & secreta ego

Alfredus

RECTA INSTITVT.

Aure susurros diuersos stridebo. Quid hoc?
 Sum namq; consternatione aliquantulum,
 Nescio qua, primò deiecta. Ideoq; me offerant
 Turbæ, pusillam principio. Sed uiribus
 Dein' confirmatis, quasi grandescam, & altius
 Sensim attollar, adeò ut pedibus nitens solo,
 Nubes uacuas æquare ac summo uertice
 Sydera ferire uidear. Quàm pusilla sum
 Iam, quàm in gyrum me contraxi incipiam modò
 Susurrijs stridens, ambigua spargere
 Ac disseminare uoce in uulgus hæc noua.
 Scholasticus Agapetus atq; complices
 Sui, latrocinantur atrocissimè
 In montibus, & occiderunt duos uiros,
 Et tertium miserè captiuum detinent.

VIR. Quid hoc monstri est, quod conspicio,
 uastum ædepòl,

Immane, ingens, cui tot pennæ sunt & leues
 Plumæ, colores tot (res mira) tot oculi,
 Nunquam conniuentes uel nictantes, tot &
 Solutæ linguæ, tot etiam ora sonantia,
 Tot arrectæ aures. Vah monstrum mirabile?
 Accedo propius iam, ut quid sonet audiam.

FAMA. Scholasticus Agapetus atq; complices
 Sui, latrocinantur atrocissimè.

In montibus, & occiderunt duos uiros,

Ac terti=

C O M O E D I A D E

Ac tertium miserè captiuum detinent.

Asmenus noster Episcopus, & Didascalus.

V I R T. Quid hoc monstrum gannit, quæ nunciat
noua?

Serpebat humi modò, sed nunc attollitur

SEN. Ludebat murmure & susurrîjs

Initio, at nunc aliquantò profert clariùs.

F A M. Scholasticus Agapetus atq; complices

Sui, latrocinantur atrocissimè

In montibus, & occiderunt duos uiros,

Ac tertium miserè captiuum detinent.

Asmenus noster Episcopus, & Didascalus.

Sunt Scelerum istorum conscij & fortè socij.

V I R T. Nunc memini. Hoc monstrum Fama doctis
dicitur,

Res admodum pernitiôsa atq; pestilens.

Tam ficti prauiq; tenax est, quàm nuncia

VERI. Sicut Didascalo, atq; Episcopo,

Certò scio, quòd grauem faciat iniuriam.

F A M. Scholasticus Agapetus atq; complices

Sui, latrocinantur atrocissimè

In montibus, & occiderunt duos uiros,

Et tertium miserè captiuum detinent.

Asmenus noster Episcopus, & Didascalus,

Sunt scelerum istorum conscij & fortè socij.

Est quip=

AGAPETVS CANIT SAPHICVM.

Est quippè Agapetus hic filius Episcopi,
Sed alij omnes, discipuli sunt Didascali.
VIRT. En quomodo se nunc erexit bestia,
Et alta uoce exclamat, ne quis nesciat.
Vsu firmatur uideo, & impudentior
Efficitur, sitq; petulantior & alacrior.
Hi sunt iuuenes illi, quos artibus suis
Malis Voluptas perdidit. Sic sic solet.
Prædixeram hoc futurum. Officium ego meum
Feci, hortando, monendo, alliciendo, mea
Potius sequerentur castra, quàm turpiſſimæ
Voluptatis. Sed sic sunt adolescentium
Hodie ingenia, à laboribus ad libidinem
Propensa. Doleo ita miserè esse perditos.
Manus carnificum non poterunt euadere.
Miseret me illorum. Ah, ah, Voluptas, pestilens
Esca malorum, ut perdis animas & corpora,
Hæc id nunc diuulgabit per totum oppidum,
Perq; Asiam omnem. O miseras animas deperditas
Ascendit ecce nunc tectorum ad culmina,
Magno stridore, ut ibi tanquam bubo sedeat
Feralis sola, audiriq; queat ab omnibus,
Et quæ fiunt ubiq; uidere singula.

ACTVS

COMEDIA DE
ACTVS V. SCENA II.
Senarij.

S. IOANNES.

Asmenus.

S. IOANNES.

F Ac ergo purè prædices uerbum Dei,
Iusta opportunè, importunè, argue, obsecra.
Et increpa, in doctrina omni ac patientia.
Labora & uigila, Euangelistæ fac opus,
Ministerium tuum imple, & esto sobrius.
Volo autem imprimis obsecrationibus
Dari operam, orationes fieri maximè,
Et actiones gratiarum pro omnibus
Hominibus, & regibus atq; Magistratibus,
Quietam ut uitam agamus in pietate, nec
Non castitate. Nam hoc bonum est coram Deo,
Nostro saluatore, omnes homines qui cupit
Saluos fieri, ac ad agnitionem simplicis
Venire ueritatis. Vnus enim Deus,
Et unus solus mediator hominum & Dei,
Homo Christus Iesus, qui semet pro omnibus
Dedit redemptionem. Namq; apparuit
Saluatoris benignitas & humanitas
Dei nostri, non ex operibus legis aut
Iustitiæ,

RECTA INSTITVT.

*Iustitiæ, quam nos fecimus, sed pro sua
 Immensa misericordia, nos perditos
 Saluos fecit, nempe, lauacro uitæ nouæ,
 In spiritu sancto, quem abundè effudit in
 Nos, per Iesum Christum Saluatorem omnium;
 Vt uerè iustificati gratia ipsius.
 Heredes simus, iuxta spem firmissimam
 Vitæ æternæ. Sermo hic utiq; fidelis est.
 Et de his uolo te confirmare, ut bonis
 Curent operibus præesse, qui credunt Deo.
 Hæc sunt utilia & bona hominibus coram Deo
 Et Christo Iesu, eiusq; electis Angelis.
 Obtestor te, ut sine præiudicio istæc custodias
 Sic, ne quid facias omnino, in partem alteram
 Declinando. Manus imponas cito nemini,
 Et ne peccatis alienis communices.
 Postremò nunc depositum, bone Episcopo,
 Representa, quod tibi planè Christus & ego,
 Sicut scis, commendauimus, hæc Ecclesia
 Teste, cui præes docendo filium Dei.
 AS MEN. Quid illud est, O Apostole Dei? Quid
 petis?
 Depositum illud, quod poscis, quale est, pater?
 Hæreo planè. Depositum nullum scio.
 S. IO AN. Iuuenem illum cedo, repeto abs te fratris
 animam.*

C O M O E D I A D E

ASME. Ah ah perij, quid respondebo Apostolo?

Quid dicam? Ah ignosce, Iuuenis ille est mortuus.

S. IOAN. An mortuus est? Dic quomodo defunctus est.

Vel morte qua? Quid in lachrymas resolueris,

Quid imo producis pectore suspiria?

Mitte lachrymas gemitusq; & dic quid sit rei.

AS MEN. Ah mortuus est Deo. Nam euasit pessimum,

Flagitiosissimumq; in nebulonem, O Dei

Apostole, ignosce mihi referenti hæc tibi.

Postremo eò improbitatis iam progressus est,

Vt latrocinia exerceat crudeliter.

Deniq; nunc montem quendam, ne quid reticeam

Planè, cum multa latronum manu occupat.

S. IOAN. Benè actum equidem, pulchrè dedisti te,
bone

Episcopo, frugi es. Huic commendes scilicet,

Si quid rectè curatum uelis. En te bonum

Frutris animæ custodem dereliquimus.

Sed iam mihi paretur equus & dux itineris.

AS ME. Fiet iam nunc extempli Domine Apostole.

Mitte iracundiam uerò atq; ad te redi.

Mea haud culpa accidit, quòd sic corruptus est.

Consortio malorum deprauatus est.

S. IO. Inepta lenitas & facilitas praua, cum

Corrupt Episcopo. Vigilantiam tuam

Desidero

R E C T A I N S T I T V T :

Desidero. An non olfeciffes quidpiam
De uita, moribus & consortio ipsius,
Priusquam eò proteruiæ ac malorum erumperet ?
Vt quisq; suum uult esse, ita est. Sed propera,
Cura, ut dixi, de equo, ac frugi socio uia.
ASME. Ilicò propero, ut effectum reddam quod
cupis.

ACTVS V. SCENA III.

Senarij.

S. I O A N N E S :

DEformat Euangelium atq; doctrinam piã,
Et scandala excitat, facitq; ut sentiant
Homines leuius de doctrina & docentibus,
Mala familiæ administratio. Nam qui Dei
Ecclesiam reget, suæ qui non benè
Præest domui, & habet sceleratos liberos,
Nec familiam potest regere ? Hinc nomen Dei
Sanctum afficitur contumelia & blasphemia
Inter gentes : Quid autem faciam ? Ab Episcopi
Eum ob id remouebo munere ? Graui crimini est
Obnoxius, quod disciplinæ uinculis
Solutis atq; habenis laxatis, bonum
Iuuenem corrumpi sinit. Verùm dogmate

F 3 Tamen

C O M O E D I A D E

Tamen nullo prauo contaminatus est,
 Et fortè per omnia culpa non perijt sua
 Iuuenis ille, ut multos præstantes legimus
 Hinc inde uiros & Doctores Ecclesiæ,
 Quorum flagitiosi fuerunt liberi.
 Vt Aaron, Samuel, quos tamen minimè ob eam
 Caussam, suo ab officio remoueri, conditor
 Rerum Deus uoluit. Namq; dubio procul
 Aaron, Samuel, & similes maximi uiri,
 Tam ad pietatem informarunt liberos suos,
 Quàm ad honestatem, magna cura, ac nihil tamen
 Profecere. Igitur culpa haud transferenda erit
 Semper in ipsos parentes uel Magisterium,
 At in ipsos potius liberos, qui non uolunt
 Benè monentibus obtemperare, sed
 Quadam ingenij malitia per præceps ruunt
 In omne uitiorum genus, atq; nomina
 Flagitiorum sexcenta, sicut dicitur
 Prouerbio. Heroum sunt noxæ filij.
 Veruntamen benè adhuc spero de filio
 Iam perduto, quem puto posse recoqui ad bonam
 Frugem, quamuis rectum iustitiæ tramitem
 Reliquerit, præceptorum indulgentia,
 Quos acriter ob id increpandos iudico.
 Sed equus adducitur reditq; Episcopus.

ACTVS

RECTA INSTITVT.
ACTVS V. SCENA IIII.

Senarij.

ASMENVS, S. IOAN=

nes, Dulus.

ASME. Curavi sicut iusseras Apostole.
Adest equus, Dux & simul comes uia.
S. IOAN. Nostin' uiam ad montem infa=
mem latronibus?

DVL. Noui quidem, quamuis non tutum accedere est.

Ante dies paucos perierunt ibi duo

Boni uiri, mercatores ditissimi.

Non est consilium, nos solos illuc iter.

Temerè facere, de uitæ agitur periculo.

ASME. Nolim te Apostole in uitæ dispendium

Venire, perditissimos esse audio

Latrones illos, fortè nec parcent tibi

S. IOAN. Scriptum est, uestri capilli, nosti Episcopo,

Numerati sunt omnes, unum in terram haud cadet,

Absq; uoluntate patris uestri. Si ergo Deus

Pro nobis, quis contra nos aut quis uim inferet?

ASME. Verissimum est illud quidem. Quando placet

Igitur & sic omnino uis, Tu Apostolum

Dei comiteris strenuè, & adsis fortiter.

DVLVS. Faciam quantum in me erit, uirili pro

mea,

COMEDIA DE

Et si temerarium est, nos hoc iter aggredi.

Contra plures pugnavit ne Hercules quidem.

S. IO. Mitte querimonias. Plures nobiscum erunt

ASME. Si placet, & ipse te comitabor Apostole,

Vel plures adiungam tibi, ob periculum.

S. IO. Nec te, nec plures cupio. Hic unus sufficit.

DVL. Hoc quomodo, Dei uir, dic intelligam?

S. IO. Christus mihi cum sanctis aderit Angelis,

Et nos tuebitur potentia sua.

DVL. Nunc ergo montem fortiter aggredi lubet.

ACTVS V. SCENA V.

Senarij.

AS MENVS.

Vtinam benè cederet, quod agit Apostolus.

Oportet certè ut plus, reuelante inclyto

Sanctoq; spiritu, prospiciat uir Dei,

In desperato illo & scelerato iuvene, quàm

Ego. Sanè mea haud periit incuria,

Qui formandum Magistris illum sedulo

Commendam. Citius quidem domestica

Vitiorum corrumpunt exempla, authoribus

Cum magnis subeunt animos. Ego uerò meo

illum non

RECTA INSTITVT.

Illum non corrupti exemplo, qui nullius
Mihi sceleris designati sum conscius.
Sua potius culpa occidit atq; nequitia.
Peiora iuuenes facile præcepta audiunt.
Nam ruptis disciplinae habenis, quærere
Adsuescunt beluinas uoluptates, dein
Verò grassari totis noctibus ebris,
Nec non tu multus excitare inconditos.
Ac sæpe quidem accidit, ut etiam modestior
Quis, in sodalitia sanè dissimilia
Nonnunquam pertrahatur, quod huic accidit.
Hei mihi, malorum morum, proh contagium,
Miserum illum perdidit, iuuenilis impetu
Ut primo ardor furere solet. Ah, & prohdolor,
Dedit hanc contagio labem. Heu uerò mihi,
Apostolo etiam timeo, ne quid accadat
Mali. Nam desperatus esse creditur
Agapetus, generis humani hostis & Dei.
At Ioannem protegat, qui cuncta temperat
Nutu, Christus Iesus sua potentia.

ACTVS V. SCENA VI.

Senarij.

ANOSIVS, PHILARGIRVS, S. IOAN-
nes, Anemerus, Dulus, Lista, Agapetus, Parinus,
Philedonius, Echmalotus, Acharistus.

F 4 ANOSI.

COMEDIA DE

ANOSI. Quid hic quæris senex, quis te huc
genius malus
Impulit? An non satius erat, sedere post

Fornacem tibi, pomaq; uel pira, præ tædio

Fallendo temporis, assare? Nisi fallimur,

Sectaris uerbera, & male tractari cupis.

Dic quid negocij sit hic senex tibi?

PHI. Certè hic senex malè uult habere, ultro caput

Obiectat infortunijs. Delirus es?

An mentis sanæ? Quid perditio hic est tibi?

Nec arma habet. Quid cessas? capiatur ilico, &

Ad principem trahatur miser homuncio.

S. IOAN. Intrepidè uestra sustineo ego uerbera,

Nil timeo mihi à uobis, nec effugiam, ô uiri,

Nec prorsus declinabo usquam. Nam Principem

Vestrum uolò. Ea ueni caussa. Veniat mihi,

PHILAR. Veniet tibi, sed malles non uenisse eum.

Dedis te ergo, an non, in manus nostri Ducis?

S. IOAN. Iterum exclamo, non audis, Principis tui

Quod huc ego consultò adueni gratia.

ANO. Insanis credo senex, qui sic exclamitas

Mortem quasi uocans, quæ per se tarda non

Erit. Iam ueniet Princeps, sed magno tuo

Malo. Tu præcurre atq; dic hæc Principi.

Ego interim hominem seruabo uiriliter.

Illum alterum tu cape, tibi sit curæ iste, quin

Iam pro=

R E C T A I N S T I T V T .

Iam protinus irruis, quin impetu inuolas

Vno in capillos, atq; in terram proijcis?

DVL, Here, ah Here, hoc nunquid prædixeram tibi,

Volens nos crudeliſſimæ morti obijcis.

ANE. Te dede furcifer, ac manus huc porrige.

DVL. O miſerum me, nunc extremum uiuo diem.

Here, ah, nunc tempus eſt, ut ueniant angeli,

Et nos hîc liberent. Ah ueniant Angeli.

LISTA. Princeps, ecce, uenit iam, quid hoc tibi ſenex

Placet? Armatus graditur, ſenex, en quomodo

Coruſcat, quomodo fulgent arma. Concito

Incedit grefſu, & commotus uidetur admodum.

Iam tibi ludetur, iam te rapiemus ſenex.

S. IOAN. Tuas nil formido minas, nil ſcommata

Curo, nihili probra facio, latro, tua.

Illum uolo unum, illum curo, quem Principem

Tuum fateris, ille mihi curæ eſt, nihil

Eius trucem timeo uultum, ueniat modò

Ille ipſe, cuius hîc adueni gratia.

AGAP. Quis ille ſenex eſt, quem dicebas, aut ubi

Eſt? Vah agnoſco hominem enunus. Eſt, an non?

Quis eſt?

Vah, Apoſtolus Ioannes eſt. Ah pudet & piget

Faciem eius contueri ſanctam. Hem quò miſer

Redactus ſum. Vt uos omnes malè perdat Deus.

C O M O E D I A D E

Cur apprehendistis hominem illum? Hoc telum
modo

Tua istaec in scelerata uiscera torsero.

Sed reprimo me. Dabit tamen poenas mihi

Suo tempore. Quid multa dicam, quid loquar,

Quid faciam? Is est ipse, ipse est. Agnosco uiri

Faciem, non falluntur oculi. Pròh, pròh pudor.

Adibo, an non? Qua fronte? Quid dicam? Malè

Tractabo uirum Dei, patrem quasi meum,

Benè de me meritum, cuius excussi leue

Iugum? Non faciam. Nam etsi hoc fecero, scio

Paratum iam fulmen, quo me Deus adigat

Ad tartara, & corpus diffindat impium

Vel in sexcentas partes. Me intuetur, ah

Vix tempero mihi, quin cerebrum tibi

Dispergam hic, & sceleratam extinguam animam
tibi,

Qui illum cepistis hospitem. Diutius

Me non sinit pudor contemplari uirum.

Fuga mihi consulam atq; abdā me in angulum

Aliquò, sic faciam potius, quàm uidear ei.

S. I O A N. Iam mitte me, uerbero, dimitte, quid
tenes.

Fugitantem Principem tuum insequi uolo,

Malo non instituto, etiam oblitus meæ

Actatis, Quid fugis fili, ah, patrem tuum?

Matre meæ

RECTA INSTITVT.

Mane mi fili, cur fugis inermem senem ?

Miser hære, timere noli, uitæ adhuc habes

Spem. Christo rationem pro temet reddam ego.

Certò & mortem pro te excipiam libenter, ut

Et Dominus excepit pro nobis. Pro tua

Anima, dabo meam animam. Sta tantum, & mihi

Crede, quia Christus me misit reuocare te à

Vijs perditionis, quas nunc inambulas.

Mane rogo, uultum in terram demissum erige

Et me respice. Bono sis animo & non time.

AGAPE. Hei mihi, quid faciam ? Perij, interij, hei
occidi.

S. IOAN. Mane, mane, cur me fugis patrem tuum.

Senem inermem ? Te solum expecto, te quærito,

Benignè te mihi obtulisti huc obuiam.

Mane quæso, quid festinas fili optime.

AGAPE. Perij, actum est, ne me cures. Væ misero
mihi.

S. IOAN. Nondum perijsti. Habes adhuc uitæ bonam

Spem. Christus te reuocat, qui me nunc misit huc.

AGAP. Perpetuò perij. Differor doloribus.

S. IO. Quid est quod trepidas fili ? Alieno ne sis à

Me animo, patre tuo. Vitam tibi promitto iam.

AG. Ah me miserum, miserū me, animo malè est meo.

S. IO. Lachrymas fili mitte, ac potius quod ad hanc

Est rem, porrò audias. Bono animo sis modò. (opus

AGAPE.

C O M O E D I A D E

AGAPE. Quid tandem credis animi esse misero mihi?

S. IOAN. Animum recipe fili, ac spera in natum Dei.

AG A. Pudet, neq; quid agam, neq; quid respondeam
Huic scio. Vita in dubium uenit mea.

S. IOAN. Ah minimè gentium. Nam peccatoribus
Christus, non iustis uenerat, missus ad oues
Deperditas. Gaudent in cœlis Angeli

Super uno peccatore resipiscente iam

Et agente pœnitentiam, magis quidem

Quàm nonaginta nouem super iustis uiris,

Qui, nempe, pœnitentia non indigent.

AG A. Ah miserum me, quid feci, qui Deum meum

Tam grauius offendi. Non sum dignus modò

Deperditus ego, Solem conspiciere amplius.

S. IOAN. Confide fili, nec animum sic abijce.

Scriptum est. Nolo mortem peccatoris, sed ut

Conuertatur uiuatq; cum Deo suo.

AGAP. At maior est iniquitas, pater, mea,

Quàm ut ueniam merear à Domino Deo meo.

S. IOHA. Bonum habe animum fili, ubi abundauit ini-
quitas,

Abundabit quoq; gratia. Haud spernit Deus

Clemens, redeuntem filium deperditum.

AG A. Animo meo haud benè est. Ah conscientia,

(Mala bestia, testes mille) me quiescere haud

Sinit, rodit, nec non accusat sedulò,

Iamq;

R E C T A I N S T I T V T.

Iamq; quidem nil melius esse suadet mihi,
Quam ut desperans, uitam laqueo mox finiam.

S. IOAN. Hem fili mi, quid agis? Quid ploras, quid
tremis?

At te redi, flere sine. Hem, quam rem agas uide.

Est desperatione nullum apud Deum

Maius peccatum. Misericordiae Dei

Nullus finis, perpetua & est immensitas,

Quae superat omnia eius opera firmiter.

Quare, fili, procul absit desperatio;

Ne aeternae perditionis fias filius.

AGAP. Peiores res loco non possunt esse, quam

In quo nunc sunt sitae, pater piissime.

S. IOAN. Hem, mitte istaec, & da te mihi, lachrymas
sine,

A Christo ego tibi promitto gratiam.

AGA. Ludis tu nunc me peccatorem maximum?

S. IOAN. Ego te? Quamobrem? Non est mihi res
haec ludicra.

AGA. Nescio, nisi quia tam miserè, uerum esse quod
Dixisti, cupio miser, eò uereor magis.

S. IOAN. Ne uereare, latroni qui pendens in cruce

Promisit gratiam, & Paridisi gaudia,

Et me sibi indignum uocauit Apostolum,

Is te per me nunc reuocat ad consortia

Sanctorum, ut sis promissionum particeps

Suarum,

C O M O E D I A D E

Suarum, & accipias remissionem, age,
 Peccatorum omnium, & piæ uitæ dein?
 Coronam inflaccesibilem, quam Christus his
 Parauit, qui ipsum ex toto corde diligunt.
 Exporrige frontem ergo, hodie reparata est salua
 Tibi, ut sis hæres uitæ æternæ, apud Deum,
 Patrem Domini Iesu Christi, qui uictimam
 Se pro nostris dedit peccatis, illius erimus
 Cohæredes fratresq; in uita illa altera:
 A G A P E. Ah lachrymor gaudio; tam sunt iucunda
 quæ

Refs, Apostole Christe. Vtinam consortio
 Dignus habear illo, in uita Sanctorum Dei.
 Nil ego presentem nunc uitam curo amplius,
 (Quæ nec dignus sum) modò cœli mihi gaudia
 Contingant & peccatorum remissio:
 Nunc ultro scelerata arma abijcio protinus.
 S. I O A N N E S. Surge, quid ad genua mea, fili, præ
 uolueris?

Quid ingemiscens toties fletibus ululas?
 Tuarum uberrimis lachrymarum fontibus
 Iterum iam baptisatus es: Quid dexteram
 Occultas? Ego iurisiurandi recipio
 Tibi sacramento, me sceleribus ueniam
 Tuis impetraturum à Salvatore. Quid
 Porro desideras? Nunc deniq; dexteram
 THAM

RECTA INSTITVT.

Tuam mihi porrige, Nam per poenitentiam
Purgatam, quam in nomine Christi deosculor:
Saluatoris ad Ecclesiam redi, sinum

Quæ non claudit redeuntibus. Mecum modò
Tu comprecare Deum & Saluatorem tuum.

Vt clementer tibi debita ignoscat, quibus
Eum offendisti grauius. Ignoscet tibi,

Quia clemens mitisq; pius & suauis est.

AG A. Pater, tu potius comprecare Deum. Tibi

Namq; scio certò, quo uir multò melior es
Quàm ego sum, haud negaturum quicquid rogaueris.

S. IOAN. Faciam, uerum unà te precari conuenit.

Multum etenim ualet assidua iusti oratio.

AG A. At scriptum est, peccatores non audit Deus.

S. IOAN. Cor uerè contritum, non despicit Deus.

AGAPE. Prioris me uitæ pudet atq; poenitet,

Ex corde & imo pectore malignantium

Vias odi. Discedite à me omnes uiri,

Qui operamini iniquitati, scrutabor Dei

Mei legem, eiusq; iugo colla subdere

Statui. Seruus fui peccatorum hæcenus,

In posterum nunc mundo & carne mortuus,

Christi exhibebo me seruum fidißimum.

Tu me pie Christe respice. Erraui miser,

Sicut ouis quæ periit. Ah, quid ouis, ex oue

Lupus factus eram, homo omnium spurcissimus

Et sce-

C O M O E D I A D E

Que non claudit redeuntibus. Mecum modò
 Tu comprecare Deum & Saluatorem tuum,
 Ut clementer tibi debita ignoscat, quibus
 Eum offendisti grauitè. Ignoscet tibi,
 Quia clemens mitisq; pius & suauis est,
 AGAPE. Pater; tu potius comprecare Deum. Tibi
 Namq; scio certò, quo uir multò melior es.
 Quàm ego sum, haud negaturum quicquid rogaueris.
 S. IOAN. Faciam, uerum unà te precari conuenit.
 Multum etenim ualet assidua iusti oratio.
 AGA. At scriptum est, peccatores non audit Deus.
 S. IOAN. Cor uerè contritum, non despicit Deus.
 AGA. Prioris me uitæ pudet atq; poenitet,
 Ex corde & imo pectore malignantium.
 Vias odi. Discedite à me omnes uiri,
 Qui operamini iniquitatem, scrutabor Dei.
 Mei legem, eiusq; iugo colla subdere
 Statui. Seruus fui peccatorum haftenus,
 In posterum nunc mundo & carni mortuus,
 Christi exhibebo me seruum fidißimum.
 Tu me pie Christe respice. Erraui miser,
 Sicut ouis quæ perijt. Ah, quid ouis, ex oue
 Lupus factus eram, homo omnium spurcissimus
 Et sceleratissimus. Ne me à facie tua
 Proijcias, ne me redeuntem ad te respuas.
 Agnosco scelera mea, agnosco insuper tuam

Iran

RECTA INSTITVT

Et sceleratissimus. Ne me à facie tua
 Projicias. ne me redeuntem ad te respuas.
 Agnosco scelera mea, agnosco in super tuam
 Iram. Verum gemitibus imo pectore
 Deductis, & amarissimo hoc fletu meo,
 Testor ueram cordis mei contritionem
 Et pœnitentiam non fictam. Cor igitur
 Contritum & humiliatum haud despicias Deus.
 In gratiam me recipe, & spiritum tuum
 Dona mihi, qui me consoletur & erigat,
 Gressusq; meos custodiat, ne deiciam
 Vnquam à mandatorum tuorum semitis.
 Tibi sed uiuam, quàm diu tu terminum
 Mihi uitæ in hac mortalitate prorogaueris.
 Nunc exuo arma peccati & mortis, pio
 Contaminata sepe fratrum sanguine.
 Ah quid feci, quibus offendi Deum modis.
 Ah Christe Saluator, pudet atq; pœnitet.
 Miserere, miserere, ignosce agnus ô Dei,
 Qui latronem in cruce, serò pœnitentiam
 Agentem tunc, ipse pia consolatus es
 Voce inquit, Hodie mecum in Paradiso eris
 Ne me projicias à facie tua,
 Saluator, ne sim similis descendentibus
 In lacum. Tua pro fit mihi sanguinis profusio
 In te speravi, non confundar perpetim

C O M O E D I A D E

S. IOAN. Exaudi Christe pœnitentem, ex pectore
Imo ad te suspirantem. Ignosce pro tua
Bonitate, pietate, & magna clementia.

Omnes iniquitates ipsius rogo
Deletas esse uelis precioso sanguine
Tuo, quem sudisti pro peccatoribus,
Me tunc cum Maria matre tua sanctissima,
Sub cruce agonem tuum inspectante flebilem.
Ignosce, inquam, Christe orbis saluator pie,
Ignosce iuueni misero, pro quo nunc meas
Interpono preces, tuum si diligis
Discipulum. Scio te nil negaturum mihi.

Quin iam surgis fili, ut eamus ad Episcopum,
Bonum illum custodem, cui te commiseram?

AGA. Cilicio porrò & cinere operiar, ac lubens
Te comitabor, modò id absq; periculo queat
Capitis fieri. Namq; ipso facto, miser ego,
In cesarearum legum pœnas incidi.

At melius est, Dei in manus uenire, quàm
Hominum. Quanquam si Domino de me sumere
Pœnas placet, per diras carnificis manus,
Iacturam malo corporis, quàm animæ meæ
Facere. Nam mortis me reum ipse iudico.

S. IOAN. Dinumerauit Dominus ossa suorum omnia,
Vnum ex illis non conteretur, nec cadet,
Capillus de capite nostro, Patris sine

Volus=

R E C T A I N S T I T V T.

Voluntate æterni . Animum deiectum erige,
Ego pro te non desinam intercedere
Apud Christum, Mariæ Filium & Dei .

Is si pro nobis stat, quis contra nos erit ?
Verũtamen siue uiuimus, siue morimur,
Domini Iesu sumus, nec perdi possumus .
Tu me comitare, & Christo commenda uias
Tuas, & ipse faciet. Euentum dabit

Quoq; cum tentatione, ut possimus crucem
Sufferre, quoniam fidelis est Deus .

AG A. Quocunq; uoles comitabor te, atq; si cupis,
In mortem . Nil mihi timeo, qui te habeam patrem,
Amicum altissimi, & uiuum templum Dei .

Virum quem tenui captiuum huc adducite;
Ut æs suum recipiat, & liber sit uinculis .

Adeſdum amice. Hic est Ioannes Apostolus,
Qui me conuertit, ut uides, à pessimis,

Quas ingressus fueram, uijs . Nunc seruiam
Porro Christo, ueracis Filio Dei,

Nec quenquam sanè deinceps ego mortalium
Lædam. Et quod feci miser, ex corde pœnitet .

Nunc ergo quæ eripui tua, recipe omnia .

Quid superest, pauperibus pie erogabitur .
Nolo maneat apud me Mammon criminis .

Porro frater & amice, ignosce, te rogo,
Propter Iesum Christum, cui lucratus est

COMEDIA DE

Te & me Sanctus Ioannes Apostolus Dei.
 Ignosce inquam. frater mihi, uim tibi intuli,
 Non hoc merenti, me quod factum poenitet.
 Dein' mihi frater eris longè dilectissimus.

ECHM. O festiuum hunc diem, quo te lucratus est
 Apostolus Deo, Princeps charissime.

Lubens tibi ignosco, ignoscat tibi Deus,
 Nec eius meminero amplius iniuriæ.

Apostolum audi, liberatorem tuum.
 Iuuenis es & iuuenta seductus tua.

Apostolo meo habeo gratiam & tibi.
 Laus sit tibi Iesu Cbriste Dei fili unice.

AGA. Hos ego seduxi confratres scholasticos,
 In gratiam quoq; recipe illos, ô pater,

Vt qui fuere scelerum socij, sint quoq;
 In Christo gratiæ participes inclytæ.

Ne pereant, quos Christus redemit sanguine.

S.IOAN. Et uos in gratiam recipio, in nomine
 Domini Iesu Christi. Agite poenitentiam.

PHILE. Meritò prouoluimur miseri ad genua tua,
 Teq; in nomine Christi precamur ueniam.

Lubentes tua sequemur uestigia, pater,
 Tuisq; discipuli, monitis obtemperabimus.

Seduxit nos uoluptas, meretrix pessima,
 Virtutis diuinæ sequemur dein' uias.

S.IOHAN. Surgite, promitto uobis uitam & ueniam.

Omnes

RECTA INSTITVT.

Omnes mecum fratres simul descendite.

AGA. Qui uobis dux & author ad malum fui,

Conuersionis idem exemplis præeo.

Valete nunc ergo, & Christum sequamini

Ducem, si uestra uobis modò cordi est salus.

Vos uerò me comitemini ac Apostolum.

ACTVS V. SCENA VII.
Senarij.

PHILARGIRVS, ANOSIVS, LISTA,
Anemerus.

PHIL. Quid istuc? quæ res tam repente heri mei
Mores mutauit? Hem quid dicam nescio.

Quenam tam subita est istæ immutatio?

Satis mirari non queo, factum ex lupo

Dūdum uastissimo, nunc placidissimam

Ouem. Deus fortè aliquis ille fuit senex,

Qui mentes efferas & corda immitia

Inflectere, & mansueta nouit reddere.

ANO. Mira Metamorphosis, atq; mira inuersio.

Vt illum Dij senem omnes perdant pessimum,

Qui nobis sine ui, nostrum eripuit Principem.

Nouit fortasse fascinare pectora,

Et hominum mentes incantationibus.

Quod ni sciscet, uah quibus illum modis ego

C O M O E D I A D E

Lacerassem. Sublimem medium arripuissem eum,
Capite in terram statuissem, ut totam spargeret
Viam cerebro. Postremo extinxissem seni
Animam. At id facere me non fuit ars sua,
Verè quæ nobis animum ademerat omnibus.

LIST. Quid faciendum, fratres, porrò nobis erit?
Amisso Principe, hunc montem non possumus
Habere portum iam amplius, Vereor enim
Ne ueniant ciues, uel uicini Rustici,
Et nos captos uinctosq; , ui hinc secum extrahant,
Rotisq; dira morte necatos alligent.

ANEME. Ego sanè postremus non inueniar hic.
Capiemur enim omnes, si hic harebimus diu.

PHILAR. Vale dicam uobis, uitæ & aliud genus
Amplectar, atq; senis admonitionibus,
Deo auspice, acquiescam, cessare à malo
Finemq; peccatis imponere, ac ea
Porrò odisse. ferunt esse pœnitentiam

Quàm maximam. Sed hoc uidetur optimum,

Vt si quis fortè captus ex consortio hoc
Nostro, & subiectus fuerit quæstionibus,
Ne prodatur is, qui fuerint socij criminum,
Sed potius se membratim discerpi sinat,

Quàm ut quenquam denotet. Quod si placet omni-
bus.

Vobis, nos

RECTA INSTITVT.

Vobis, nos cautione iuratoria
Confœderemus & ligemus inuicem.

LISTA. Placet utiq; , bonum est consilium & lau-
dabile.

PHIL. Promittitis iurisiurandi istuc loco ?

ANE. Promittimus iurantes nobis inuicem.

PHILARGI. Seruate fœdera. Suam unusquisq;
auferat

Partem prædæ acceptam, cum pace & gaudio.

ANEME. Ego hercule sum, quàm eram, nunc fac-
tus ditior.

LISTA. Bonam prædam nactus sum. Iro ante egen-
tior.

ANOSI. Tumet crumena. Tantam uim auri quo-
modo

Tandem consumam? Noctes & dies ero

Dein' ebrius. Quin' tu iam pulsas tympanum.

Nam oportet semper lætos esse milites.

PHIL. Læti ergo sic descendamus de monte, quod
Fœlix sit. Nos si placuimus, uos plaudite.

Epilogus. Senarij.

Vidistis actionem ludicram, optimi
Spectatores, de corruptela floride
Iuuentutis. Et è contra, quid possit bona &

C O M O E D I A D E

*Recta institutio . Vidiſtis arduum
 Corruptionis exemplum . Vidiſtis &
 Contra, Conuerſionis non minus inclytum
 Specimen, quæ faciunt ad pietatem ſingula.
 Porro, ne expectetis dum rurfus exeant,
 Intus iuuenes reformabuntur, intus &
 Fient orationes . Milites quoq;
 Intus commeffabuntur ſtrenuè, ut digerant
 Quam naſti ſunt prædam . Sic gaudet quilibet
 In genere ſuo . Sed uerè gaudet, qui in Deo
 Gaudet, lætatur, & exultans tripudiat .
 Epicureorum ſunt namq; momentanea, &
 Non ſolida gaudia: Sed beatus populus eſt,
 Qui nouit iubilationem ſpiritus,
 In qua bonos omnes ualere iubebimus .*

Soli Deo ſit gloria .

In Maleuolum oſorem, Autor .

*Pone ſupercilium, lector Naſute, quid autem
 In riſum riſtus diffluit iſte tuus?
 Mordaces acuis cur inſcie Zoile dentes,
 Vt laceres Muſas ſanguinolente meas?
 At mihi non parces, qui magnis parcere neſcis
 Vatribus, ingenij proditione tui .
 Quid facies aliud ſed tu peruerſe Menalca?
 Edoctus non es dicere poſſe benè .*

En pro-

RECTA INSTITVT.

*En proscinde, satis donec tibi feceris ipse,
Ingenium noui nam male sane tuum.*

**Paulus Kolzemus à Demmin
Pomeranus.**

*Hinc uos ite procul Gritici, procul ite proterui,
Et quorum pectus crassa Minerva tenet.
Vos etenim sat erit Græcis ridere Calendis,
Cumq; asinus pulsat plectra canora lyra.
Non faciles risus, Milesia dicta, lepores,
Fabula, scomma, sales, uos ioca grata iuuant.
Sicut Democriti risus non laudo perennes,
Heraclitum, à lachrymis sic reprehendo suis.
Inter perpetuos risus fletusq; perennes,
Virtutis medius dicitur esse locus.
Vir grauis interdum solet arte remittere frontem,
Et dulces hilari uoce referre sales.
Vultum terrificus non seruat Iuppiter unum,
Molliter interdum ridet Apollo bonus.
Non unam semper faciem gerit æthera cœli,
Nec niue perpetuò terra sepulta iacet.
Nec uultum semper retinebit uir bonus unum,
Temporibus uitam commodat ipse suam.
Ergo age iudicio, si uir bonus es, benè doctus,
Vtere non tristi. Candor ubiq; placet.
In sordidum & auarum, liberalioris do-
ctrinæ osorem. Idem.*

C O M O E D I A D E

Quid te huc aduoluis, sus cœno scæde uolutus,
 Spèrnerè Musarum qui pia sacra soles?
 Nam te delectat studium magis utile numini
 Semper, & ingluies sordida auaritiæ.
 Omnes conatus, studia omnia dirigis illuc,
 Vt sis nummosus, sicq; beatus eas.
 Quid tibi cum Musis sacrisq; sororibus esset,
 Salsè qui solitus dicere semper eras?
 Tantum quisq; ualet, quantum tenet æris in arca,
 Si desint nummi, Plato nec ipse placet.
 Ergo tuum sectare deum, plutone beatus,
 Instigat qui te sordida lucra sequi.

Ad optimum atq; doctissimum uirum D.
 Hermannū Heucken, Ciuem Bremensem, Poëtam ex-
 cellentem, suum quasi fratrem dilectum ami-
 cum, Henricus Knaust, & ὙΠΕΡΤΕΛΕΣΤΗΣ.

I Ngenuè fateor, mi Hermanne, sodalis amice,
 Quem diligo hac anima magis,
 Et tibi pars quædam debetur Dramatis huius,
 In publicum quod edimus.
 Tunc etenim cum nos socialis iungeret ardor,
 Bremæ celebri in oppido,
 Exiretq; dies propè nullus, quo mihi tecum
 Fandi haud daretur copia.

De stu-

RECTA INSTITVT.

De studijs nostris, & consuetudine quondam
Contracta omnis, iuuenilibus,
Tunc, inquam, cum nos fallendi temporis actu,
Illud Eobani lusimus,
(In foribus stantes Musarum, quid sit amantes,
Nantes gigantes & alia.)
Hoc ego cudebam mihi, rara per ocia, Drama,
Quo delectabar carmine.
Iudiciūq; tuum memini, cum copia fortè
Tibi daretur Dramatis.
At cum non possem, per multa negocia, coeptum
Finire opus Brema in inclyta.
Iam tandem sedes per diuū dona quietas
Nactus, telam absolui meam.
Hanc tibi lustrandam mitto, quasi frater amice,
Et adferendam à maleuolis,
Scilicet indoctis. Doctorum nam mihi parceret
Candor simulq; humanitas.
Nestoreos ualeas annos cum coniuge casta,
Et dulcibus cum liberis.
Viue memor nostri, foelicibus utere fatis,
Musis beatior tuis,

IN DEPICTAM IMAGINEM CVIVS
dam amici, per prosopopœam descriptio, ad
eundem D. Hermannum Heuconem.

Illius &

C O M O E D I A D E

*Illius & mitto descriptam carmine uitam,
 Vxoris ac simul suæ,
 Quem nosti à multis annis, & semper amicum
 Tibi probasti maximum.
 Accipe & incultum iusto fer carmen amore,
 Et me uicissim dilige.*

P r o l o p o p æ a .

*Bis tria cum uita numerarem lustra, duobus
 Adde duos annos, corpore talis eram.
 Sacrarum legum studijs addictus ab annis,
 Quæis nondum tegeret prima lanugo genas,
 Inuidæ me curis fors inuoluebat Ephebum,
 Cum libuit uita liberiore frui.
 Marchia quæ multos diuino munere pisces,
 Fœta Sprea & Viadro, fert benè culta solo,
 Rectorem iuuenum me qui moderarer habenas,
 Tunc iuuenem, cui erat primæ lanugo, uocat.
 Luxurians animus quo res uxoria cordi
 Sit suadet, monstrat mox Cytheræa uiam.
 Monstrantem sequitur iuuenis lasciuiæ prima,
 Et uenit in thalamos pulchra puella meos.
 En tua Christophori à Pfundstein mihi filia, uenit,
 Doctor & antiquæ nobilitatis eques.
 Dein binam parit illa mihi prolem, atq; parentem
 Efficit, & sexu gaudet uterq; pari.
 Magnapolim hinc dū me sequeris dulcissima coniunx,*

Henrici

RECTA INSTITVT.

Henrici senis ut nos alat aula Ducis,
 Aulica uix fueras tres menses, tabida cum te
 Corripuit pestis, quæ inficiebat agros.
 Pestifera illa lues te totam infecerat, inde
 Amplexu moreris coniugis ipsa tui.
 Principis Henrici post chari fata, uocatus
 Aulas ingredior Dux Pomerane tuas,
 Efficiorq; simul Demmini Syndicus urbis,
 Sunt ubi conscripti nobilitate patres.
 Nec dum hic ostendunt sedes mihi fata quietas,
 Euocor in patriam matris at ipse prece.
 Illa iterum intentat tædas thalamumq; iugalem,
 Sed frustra. Verbis hæc referoq; meis.
 Agnosco ueteris, mater, uestigia flammæ,
 Flagrat & in iuuenis sanguine blanda Venus.
 Postquam at primus amor deceptum morte sefellit,
 Immotum & fixum mente animoq; sedet,
 Ne cui me uinclo cupiam sociare iugali,
 Sed uiuam cœlebs cum pietate Deo.
 Illa meos primo quæ se mihi iunxit, amores
 Abstulit, atq; animis indita sola sedet.
 Abstulit, illa habeat secum seruetq; sepulchro,
 Hinc ego te uita cœlibe Christe colam.
 Chara sinum mater lachrymis impleuit abortis,
 Et spem deponit, quæ fuit ante, thori.
 Verum nec patria datur ecce quiescere terra,
 Inq; tu=

COMŒDIA DE

Inq; tuum cedo fertile Brema solum,
Metropolis factus communis Syndicus, omnes
Quæ tangunt tractans ore styloq; uices.
Dein sequar ipse lubens quo fata trahunt retrahuntq;
Alea nec uitæ noxia quæuis erit.
Fortè ubi fata mihi tranquillas condere sedes
Concedent, aliquo credo erit ipse loco.
Annis dum nondum preminur, nos fata uolulent,
In senio at sedes da mihi Christe bonas:
Vt te collaudem, quo sim uas utile, grates
Dicendo. Me igitur nate tuere Dei.

IN IMAGINEM VXORIS EIVSDEM
piè defunctæ.

HAnc mihi consortem thalami iuuenilib. annis,
Cum nondum tegeret florida barba genas,
Conscia cum nondū curarum pectora, nondū
Turbida mens rerum perditione foret.
In flore ætatis mihi fata dedere puellam,
In flore ætatis eripuerè datam.
Lustrum, non ultra, concessum est uiuere amatæ,
Coniugis amplexu pignoribus nè frui.
Orbatus charæ coniunx ego coniugis ore,
Sum miser, & panes usq; doloris edo.
Illa meos primo flagrantès cepit amores,
Abstulit, illa habeat. seruet & illa sibi.

Tr me